



3537
14
ル 5



1874
MAY
21

特
門 九 5
號 3537
卷 14

重修揚州府志卷之二十四

兵志三

國朝設兵
驛站附



國朝定鼎裁揚州儀徵高郵等三衛所指揮等官置衛守
備專司屯軍漕運另設揚州等營遊擊等官管轄馬步
兵丁防守城池汛地營衛各有所司不相統轄順治十
五年海寇犯瓜洲潰歸

命少保楊捷以總兵鎮揚州又以塞白理代鎮未幾復撤仍以
營務歸遊擊屬狼山鎮轄

揚州營順治三年設江南通志載舊額遊擊一員守備
一員千總二員把總三員馬戰兵四十七名步戰兵七

十六名守兵三百四十一名官坐馬二十四匹兵戰馬四十七匹康熙二十五年添設把總一員馬步戰守兵二百三十六名馬二十四匹是年裁步戰守兵二十五名三十四年裁馬步戰守兵二十六名雍正二年撥步戰守兵七名入太湖營五年撥步戰守兵二名入南匯營七年添設外委千總把總六員撥戰守兵十四名入蘇州營十三年添設守備一員即今三江營守備之額馬戰兵十六名步戰兵二十四名守兵四十名馬十六匹又添設把總四員外委把總一員馬戰兵九名步戰兵二十四名守兵五十七名馬九匹其時遊擊一員駐府城守備二員一駐府城一駐三江營千總二員一駐寶應衡陽鎮一駐高郵州把總八員一駐府城鈔關一駐寶應縣二駐府城一駐馬家橋一駐邵伯一駐北壩一駐僧道橋今據該營冊報順治初原設官兵一千八員名順治七年八月裁汰兵丁二百名十四年十二月抽調把總一員兵二百名移改水師防崇明縣康熙二年十一月抽調兵一百名歸漕標二十一年裁汰兵十五名抵補江蘇安徽二撫標二十二年十月裁汰兵二十一名撥補徽州六安二營二十五年正月將京口右翼水師鎮標左右二營把總一員兵二百三十六名添撥揚州營續又

於二十六年正月裁汰兵二十五名三十四年十二月
又裁汰兵二十六名雍正二年十二月裁減兵七名撥
入新設太湖營五年十月又抽裁兵二名撥補南匯營
七年添設外委千總二員外委把總四員協防各汛九
年八月裁減兵十四名撥歸新設蘇州城守右軍十一
年九月添設鹽務把總二員兵九十名駐防馬家橋北
壩僧道橋三汛乾隆元年正月添設火器外委把總四
員二年旋裁二十七年十一月添設額額外委三員存
營以上本營實存官十一員馬步兵丁七百十六名至
乾隆四十七年正月奉

旨將各官弁員下養廉虛額兵共六十七名一體禁革俱按名
募補實兵二月抽撥守兵三名歸壽春鎮四十八年正
月奉

旨將公糧守兵二十名裁除三月奉

旨以揚州水陸衝要添步戰兵五十六名守兵二十四名六月
添設額額外委一員嘉慶十一年三月抽把總一員撥
歸新設徐州鎮十月又裁汰馬兵三名步戰兵三名守
兵十七名撥歸新設徐州鎮現在實存經制官兵六百
九十一員名內遊擊一員守備一員千總二員把總四
員外委千總二員外委把總四員額額外委四員又字

識二十名實在操防兵六百五十一名遊擊守備俱駐
府城三江營守備仍駐三江營如故不入揚營額數其
千總以下至額外外委分派九汛駐防鈔關汛分防把
總一員外委一員所管墩塘十小汛兵丁四十五名馬
家橋汛分防把總一員所管鹽汛馬步戰守兵丁二十
四名又兼管裏河五小塘汛兵丁二十名北壩汛分防
把總一員所管鹽汛馬步戰守兵丁二十四名又兼管
沿河六塘小汛兵丁三十名僧道橋汛分防把總一員
所管鹽汛馬步戰守兵丁二十四名又兼管偏僻二小
塘汛兵丁六名西南汛兼防把總一員協防外委一員
所管西山偏僻六塘小汛兵丁十五名高郵汛分防千
總一員協防外委一員所管高郵存城馬步戰守兵丁
三十九名又沿河十塘小汛兵丁五十名寶應汛分防
把總一員協防外委一員所管寶應存城馬步戰守兵
四十一名又沿河八塘小汛兵丁四十名衡陽汛分防
千總一員協防外委一員所管專司緝私馬步戰守兵
丁二十四名不設墩塘無巡防地方之責便北汛分防
把總一員外委一員不設墩塘把總兼管派撥差務以
上九大汛分管墩塘小汛四十七處共派出馬步戰守
兵丁三百八十二名實在存營十隊馬步戰守兵丁二

百六十九名頭隊馬戰兵十七名二隊馬戰兵十七名
三隊弓箭戰守兵四十五名四隊弓箭戰守兵四十五
名五隊藤牌戰守兵二十名六隊藤牌戰守兵十九名
七隊烏鎗戰守兵二十八名八隊烏鎗戰守兵二十八
名九隊大砲戰守兵二十三名十隊大砲戰守兵二十
三名又吹砲手戰守兵八名係在烏鎗兵內撥用計本
營應操兵丁六百五十一名分習技藝馬戰兵五十五
名內存營三十三名外汛二十三名弓箭兵二百三十
一名內存營九十名外汛一百四十一名藤牌兵三十
九名俱存營烏鎗兵三百二十六名內存營一百十名
外汛二百十六名本營所管地方東云九十里至斗門
灣抵泰州營汛界南去二十里至六淺抵瓜洲營汛界
西去一百二十里至天長縣抵泗州營汛界北去二百
六十里至黃浦抵淮安營汛界本營自順治初設立之
始卽隸狼山鎮標嘉慶十一年三月經兩江總督會同
漕運總督以此營逼近漕河有僭趨漕運之責改隸漕
標呼應較靈奏請改歸漕運總督管轄奉

旨准行

凡軍政舉劾及一切陞遷拔補調防汛地均由漕運
總督主政每歲漕運總督至營校閱一次

三江營康熙五十六年八月巡鹽御史李煦會同江蘇

巡撫吳存禮鎮海將軍何天培提督杜呈泗疏言江都縣境內三江營地方去鹽場甚近私鹽會集於此且逼近海口防範宜嚴江寧府江防同知本有巡江責任唯駐劄江寧離此寫遠請移衙門於三江營以資彈壓明年李煦復言三江營地方多有匪徒搬運私鹽必得弁兵爲之巡緝方免透漏雖有京口水師營分防汛兵爲數無多不敷應用現與京口將軍咨商分派目兵一百五十名交千總一員帶赴三江營地方其應支糧餉仍於本營支給其巡役人等工食與蓋造衙門房屋俱令鹽商捐給不支正項錢糧所派弁兵聽移駐之江寧同知鈴束調遣至雍正十年大學士蔣廷錫議請將移駐之江寧同知改爲三江營同知歸巡鹽御史舉劾十一年兩江總督尹繼善奏請將三江營同知加銜爲分巡鹽務僉事道十三年復設立三江營守備一員初屬揚州營原額外委二員馬戰兵八名步戰兵二十二名守兵五十名官坐馬四匹兵戰馬八匹乾隆六年復將分巡鹽務僉事道裁去乾隆三十八年將外委二員裁退歸伍四十七年馬戰兵裁三名存五名步戰兵裁四名存十八名守兵裁三名存四十七名兵戰馬裁三匹存五匹實存馬步戰守兵七十名馬九匹嘉慶二年添設

巡船三隻舵工三名水手十二名舵水十五名以上官兵俱歸提標管轄不屬揚州營所巡地面上自泰興交界起下至圖山關止

瓜洲營江南通志載順治二年設守備專防江北水汛屬操撫標康熙元年改設參將歸併督標十一年裁參將畱左軍守備爲瓜洲城守舊額守備一員千總一員把總二員哨官二員馬戰兵四十名步戰兵八十名守兵二百八十名官坐馬十匹兵戰馬四十匹唬船八隻二十三年裁馬步戰守兵十六名戰馬二匹二十五年裁守兵八名二十六年裁馬步戰守兵五名戰馬一匹

三十五年裁步戰兵十四名雍正二年撥步戰守兵三名入太湖營五年撥守兵四名人蘇州營七年添設外委千把總三員八年改歸江寧城守副將管轄九年撥步戰兵一名入蘇州營現在守備一員駐防瓜洲城千總一員駐防瓜洲城把總二員一駐防瓜洲城外一駐防大橋汛外委千總一員外委把總二員俱協同經制千把總防守哨官二員馬戰兵三十七名步戰兵五十五名守兵二百五十七名官坐馬十匹兵戰馬三十七匹唬船八隻是營專防江都縣瓜洲地方汛地墩堡三處

瓜洲所駐京口協水師右營按此營始末因京口原設
左右兩路水師總兵二員各統左右兩營並屬京口將
軍統轄康熙二十一年兩總兵改屬提標二十四年改
左路總兵爲京口水師總兵裁右路總兵及右路左營
將右路右營歸併左路總兵定爲中左右三營三十六
年又裁總兵改爲水師副將裁去右營改中營爲左營
左營爲右營仍聽將軍管轄其副將與左營遊擊等官
駐劄江陰縣城及靖江縣城等處右營遊擊駐劄瓜洲
右營原額遊擊一員守備一員千總二員把總四員馬
戰兵一百名步戰兵四百名守兵五百名官坐馬二十
二匹兵戰馬一百匹沙船二十三隻唬船七隻小吧唬
船三十隻捕舵繚旋手一百五十名水手匠役三百十
八名康熙二十二年改提標其沙唬三十隻仍存將軍
標下裁馬步戰守兵三十六名馬四匹二十三年裁馬
步戰守兵九十一名馬二匹二十四年裁戰守兵一百
六十四名二十五年收沙船八隻歸營改馬戰兵二十
三名爲步戰兵改步戰兵一百四十二名爲守兵二十
八年撥馬步戰守兵二十四名入揚州營二十九年撥
沙船八隻入鎮海將軍標三十六年收原裁右營馬步
戰守兵二百六十四名馬二十八匹小吧唬船一隻歸

營雍正二年撥步戰守兵十名入太湖營五年撥步戰
守兵九名入蘇州營七年添設外委千總二員外委把
總四員收鎮海將軍標右營唬船二隻歸營嗣後歷經
裁減增設見今定額馬戰兵七十二名步戰兵一百五
十七名守兵五百七十二名海哨船八隻吧唬船四隻
快哨船四隻遊擊一員駐劄瓜洲城內管轄沿江南北
兩岸水汛計程三百八十六里綿歷丹徒丹陽武進江
都泰興五縣汛地內丹徒縣汛地四十五處丹陽縣汛
地八處武進縣汛地二處泰興縣汛地十八處其江都
縣汛地曰花園港墩曰花園港曰大砲臺曰新港墩曰
新港曰倒流港墩曰卞家港曰朱明港曰草龍港墩曰
深港曰黃港墩曰薔薇港墩曰沙河港曰小史家港曰
大史家港墩曰八港曰梁家港墩曰孫基港曰孫基港
墩曰徐家壩曰徐家壩墩曰繆家嘴墩曰三江口曰復
業新洲墩曰復業新洲曰嘶馬墩曰王家嘴墩計二十
八處守備一員駐圖山韓橋汛係丹徒縣地方千總二
員一駐三江汛係江都縣地方一駐大沙洲汛丹徒江
都二縣地方把總四員一駐匡家橋太平港汛丹徒縣
地方一駐藤牌灣汛丹徒縣地方一駐黃家港汛泰興
縣地方一駐大砲臺江都縣地方其京口水師副將原

駐江陰每年於重運漕船渡江時詳請會題移駐瓜洲事竣仍回江陰

儀徵縣所駐奇兵營按儀徵縣駐兵順治初尚沿明舊以江防要害守汛宜嚴於江口設操江公署操撫委署守備四年定經制設儀徵營守備一人千總一人把總一人戰守兵四百名仍隸操江標下康熙六年裁儀徵營守備分隸奇兵營設遊擊駐江口其屬有守備一人千總一人把總二人守備則專事城守奇兵營者順治初額設隨操撫赴皖駐防改爲太平右營十六年復設

康熙元年歸併督標安慶營統轄六年改駐儀徵舊額

遊擊一員守備一員千總二員把總三員哨官二員馬戰兵二十名步戰兵一百五十五名守兵六百二十五名官坐馬二十四匹戰馬二十四匹唬船二十三隻二十二年裁馬步戰守兵三十二名馬三匹二十六年裁步戰守兵二十七名三十五年裁步戰兵二十八名雍正二年撥步戰守兵六名入太湖營五年撥步戰守兵七名入南匯營七年添設外委千把總五員八年改歸江寧副將統轄十一年兩江總督尹繼善爲青山濱臨江口梟徒雲集乃私鹽出沒咽喉巡緝要隘題請設立守備一員把總一員外委把總一員馬戰兵二十名步戰

重刊揚州府志 卷之二十四
兵三十名守兵五十名馬二十四匹巡船四隻專責堵禦
緝私雍正十三年續撥督標巡船二隻交營管駕乾隆
元年又將奇兵營所轄水陸七汛撥歸青山守備專管
十六年兩江總督黃廷桂添設額外外委一員隨營巡
緝青山守備所管地界水陸交錯計二百餘里今定額
遊擊一員駐儀徵縣守備二員一駐儀徵縣一駐青山
頭千總二員一駐江寧縣新江口一駐儀徵縣東溝把
總四員一駐儀徵縣新江口一駐儀徵縣舊江口一駐
儀徵縣黃泥灘一駐青山頭外委千總二員外委把總
四員俱協同經制千把總防守哨官二員一巡防左哨
江汛一巡防右哨江汛馬戰兵二十七名步戰兵一百
三十五名守兵六百二十八名官坐馬二十五匹兵戰
馬二十七匹唬船十三隻江南通志云此營防守上元
江浦六合儀徵等縣地方其儀徵縣汛地曰東溝曰白
茅墩曰梁山嘴曰青山頭曰王家溝曰一餞港曰黃泥
灘曰新江口曰舊江口曰黃連港曰侯莊墩曰馬港曰
何家港曰何家港墩計十四處

泰州營前明本海防道中軍營江南通志載順治二年
設守備屬海防兵備道標康熙元年裁道標改爲泰州
營屬狼山鎮標十一年添設遊擊舊額遊擊一員守備

一員千總一員把總二員馬戰兵二十五名步戰兵七十六名守兵二百三十八名官坐馬十六匹兵戰馬二十五匹三十五年裁步戰兵十五名雍正二年撥步戰守兵五名入太湖營五年撥守兵四名入青邨營七年添設外委千把總三員八年添設千總一員把總二員水陸戰守兵一百名趕繪船二隻沙船二隻兼轄泰興

掘港二營所管泲地歷泰州如皋興化鹽城地方據江南通

志云泰州營所管泰州泲地墩堡十七處泰興營管泰州泲地墩堡一處鹽城營管泰州泲地墩堡九處掘港營管泰州泲地墩堡十七處如丁美舍港唐家洋港五龍港黃沙洋港皆掘港營泲地也泰興營又管江都縣泲地墩堡二處鹽城營又管江都縣泲地墩堡二處其時官

兵定額遊擊一員駐泰州城守備一員駐泰州城千總

二員一駐如皋縣力乏橋一駐王家港中旨竈把總四

員一駐東臺場一駐興化縣城一駐王家港中旨竈一

駐王家港五木樓外委千總一員外委把總二員協同

經制千把總防守馬戰兵二十五名步戰兵九十三名

守兵三百四十四名官坐馬二十二匹兵戰馬二十五

匹趕繪船二隻沙船二隻今據該營冊報原額馬步戰

守兵丁二百七十一名康熙十一年添設戰守兵一百

名為疏濬海口雍正八年改本營為水師添設水陸戰

兵

守兵一百名乾隆四十四年爲東臺汛運隄設立營房添設兵十二名四十八年爲裁汰養廉公費名糧挑補實兵添設戰守兵五十名此歷年添設之數雍正二年爲添設太湖營抽撥本營戰守兵五名五年爲添設青邨營抽撥本營守兵二名乾隆二十四年因海口淤塞仍改本營爲陸路裁去守兵七十三名四十七年爲裁汰各員養廉添補實兵裁去本營馬戰守兵六十四名本年又因添設壽春鎮標抽撥本營守兵一名嘉慶十一年因添設徐州鎮標抽撥本營馬戰守兵十名此歷年裁汰之數現在本營遊擊一員仍駐泰州城守備一員仍駐泰州城千總一員駐東臺縣把總四員一駐泰州城外關廂汛一駐姜堰汛一駐中官窰汛係鹽城東臺兩縣交界地方一駐興化縣現在定額兵三百七十八名內馬兵二十二名步戰兵七十二名守兵二百八十四名守備駐城內管十汛東門汛派兵八名西門汛派兵八名南門汛派兵八名北門汛派兵八名東南角樓汛派兵四名西南角樓汛派兵四名東北角樓汛派兵四名西北角樓汛派兵四名庫汛派兵十名獄汛派兵十名共派兵六十八名城外關廂汛把總管十汛北門外北極樓汛派兵八名便名坊汛派兵五名招賢鄉

汛派兵四名塔兒頭汛派兵五名三光殿汛派兵五名
 東城莊汛派兵三名東門外迎春橋汛派兵三名南門
 外老火房汛派兵三名沈家渡汛派兵五名西鎖口汛
 派兵五名寶帶橋汛派兵四名港口鎮派兵五名共派
 兵五十四名姜堰汛把總管八汛姜堰本汛派兵二十
 名馮甸汛派兵五名葛港汛派兵五名黃村汛派兵五
 名黃棟樹汛派兵五名曲塘汛派兵六名胡家集汛派
 兵五名海安鎮汛派兵十名共派兵六十一名東臺汛
 千總管八汛東臺本汛派兵十名安豐汛派兵十名富
 安汛派兵五名殷莊汛派兵三名時堰汛派兵三名秦
 疇汛派兵三名淤溪汛派兵三名樊汛汛此汛在泰州境派兵
 五名共派兵四十二名中旨汛把總管三汛中旨本汛
 派兵十八名沈家竈汛派兵八名五木樓汛派兵五名
 共派兵三十一名興化汛把總管二汛興化本汛派兵
 三十名中堡莊汛派兵十名共派兵四十名
 驛站據江南通志載江都縣原設馬一百匹馬夫一百
 名水夫一百六十名旱夫九十名雍正四年裁減水夫
 二十名十年裁減馬夫四十名改歸邵伯驛馬二十四
 匹夫十二名扣畱水夫八十四名旱夫三十六名現今
 設馬八十四匹草料銀二千三百四兩馬夫四十八名工

食銀六百九十一兩二錢水夫五十六名工食銀八百六兩四錢扣留僱夫銀一千二百九兩六錢旱夫五十四名工食銀七百七十七兩六錢扣留僱夫銀五百一十八兩四錢馬價銀一千二百兩鞍轡等銀一百四十四兩歲共支銀七千六百五十一兩二錢雍正十二年核減草料等銀歲共六百八十八兩八錢廣陵驛原設支應廩糧八百兩今仍照舊雍正八年裁驛丞歸併江都縣管理

甘泉縣邵伯驛原設馬四十匹馬夫四十名雍正十年裁減馬夫十六名添歸江都縣馬二十匹馬夫十二名今現設馬六十匹草料銀一千七百二十八兩馬夫三十六名工食銀五百十八兩四錢支應銀四百五十二兩馬價銀九百兩鞍轡等銀一百八兩歲共支銀三千七百四兩四錢雍正十二年核減草料等銀歲共五百十六兩六錢

高郵州原設馬七十五匹馬夫七十五名水夫一百五十名旱夫七十名雍正四年裁減水夫十五名十年裁減馬夫二十九名又扣留水夫八十一名旱夫二十八名今現設馬七十五匹草料銀二千一百六十兩馬夫四十六名工食銀六百六十二兩四錢水夫五十四名

工食銀七百七十七兩六錢扣留僱夫銀一千一百六十六兩四錢旱夫四十二名工食銀六百四兩八錢扣留僱夫銀四百三兩二錢馬價銀一千一百二十五兩鞍轡等銀一百三十五兩歲共支銀七千三十四兩四錢雍正十二年核減草料等銀歲共六百四十五兩七錢五分孟城驛原設支應廩糧銀六百兩今仍照舊界首驛原設馬四十四匹馬夫四十名雍正十年裁減馬夫十六名今設馬四十四匹草料銀一千一百五十二兩馬夫二十四名工食銀三百四十五兩六錢支應銀四百五十兩馬價銀六百兩鞍轡等銀七十二兩歲共支銀

二千六百十九兩雍正十二年核減草料等銀歲共三百四十四兩四錢孟城界首二驛俱歸高郵州管理寶應縣原設馬七十五匹馬夫七十五名水夫一百五十名旱夫七十名雍正四年裁減水夫十五名十年裁減馬夫二十九名扣留水夫八十一名旱夫二十八名今現設馬七十五匹草料銀二千一百六十兩馬夫四十六名工食銀六百六十二兩四錢水夫五十四名工食銀七百七十七兩扣留僱夫銀一千一百六十六兩四錢旱夫四十二名工食銀六百四兩八錢扣留僱夫銀四百三兩二錢馬價銀一千一百二十五兩鞍轡等

一百二十五兩歲共支銀七千三十四兩四錢雍正十二年核減草料等銀歲共六百四十五兩七錢五分安平驛原設支應廩糧銀六百兩今仍照舊雍正八年裁驛丞歸併寶應縣管理

儀徵縣原設馬五十四馬夫四十名水夫八十名旱夫五十名後裁馬十四馬夫八名旱夫三十名水夫四十四名雍正四年增添旱夫十名十年裁減馬夫八名扣留水夫二十四名今現設馬四十四匹草料銀一千一百五十二兩馬夫二十四名工食銀三百四十五兩六錢水夫十六名工食銀二百三十兩四錢扣留僱夫銀三百

四十五兩六錢旱夫三十名工食銀四百三十二兩馬價銀四百兩鞍轡等銀六十兩歲共支銀二千九百六十五兩六錢雍正十二年核減草料等銀歲共三百零八兩六錢六分六釐七毫儀徵水驛原設支應廩糧銀四百兩後裁減銀二百兩雍正八年裁減驛丞歸併儀徵縣管理

泰州原設馬五匹馬夫三名後裁減馬三匹馬夫二名今現設馬二匹草料銀五十七兩六錢馬夫一名工食銀十兩八錢馬價銀十兩歲共支銀七十八兩四錢雍正四年核減草料等銀歲共十四兩四錢

重修揚州府志卷之二十四

重修揚州府志卷之二十五

祠祀志一 記言有功德於民者則祀之後世淫祠雜

祀先各壇次天神次地示凡水土諸神以類附之又
次專祠次合祠皆以人世為序其無攷者載之各屬
末之

江都縣

社稷壇 在西門外壇巷每歲以春秋仲月上戊日祭明
洪武三年知府周原福建國朝雍正十二年

奉 旨建立壇所磚臺一座中柱一根周圍牆垣
牌樓四座牌位二座 案壇在甘泉地析縣後江都甘
泉共

風雲雷雨山川壇 在南門外三里橋明洪武三年知府
周原福建舊制每歲春秋分後合

祭 國朝雍正七年 上諭以雲師雷師庇國佑
民靈應顯著宜特建崇祀禮部議覆查前明集禮雷雨

壇在社稷壇西風雲壇在社稷壇東今應建雷師廟於西方雲師廟於東方雷師照古制於立夏後申日祭雲師古無專祀酌依明會典合祭之期每歲秋分後三日致祭

先農壇 在南門外九龍橋壇高二尺一寸寬二丈五尺正房三間中奉先農神牌東貯祭器農具西貯

耕田租穀廂屋二間東備祭品西住農民南向大門牌坊一座四面綠垣隨壇耕田四畝九分耕牛一頭農具

一副每年耕藉祭祀國朝雍正四年奉旨各府州縣衛所於該地方擇潔淨之地照京城九卿所耕

藉田四畝九分之數設立先農壇每歲仲春官率耆老農夫恭祭照九卿耕藉之例行九推之禮欽天監頒行

時憲之時檢祀日曉諭至日各府州縣舉行祀典

厲壇 在北門外壽寧街東每於清明節七月十五日十月朔奉城隍神於壇以祭無祀孤魂明洪武三年

知府周原福建

八蜡廟 在西門外明嘉靖二十年通判周鼎建國朝

旗纛廟 在本衛後明洪武四年建今久圯每歲霜降日遊擊祭於演武廳

真武廟 一在大東門外大街北明宣德間知府陳真建一在北門外厲壇西即元豐樂酒庫

火星廟 祀熒惑以禳火災也城內外廟甚多相傳在新城徐寧街者靈顯特著

文昌祠 一名文昌閣在南門外臨河文峯塔灣祀梓潼帝君每遇賓興府縣試士於此又有文昌樓

在縣儒學前明孫鑛惟揚郡城南文昌閣碑曰淮海惟揚州鎮江上游淮泗下游東湖於漕運艘是由越城

而南里修有三如矢的是趨厥氣弗含祝融為災文教罔培士習用噴狐疑相猜惟二十三年歲在旃蒙協洽

士議於鬻巷語相答乃鳴於邑於郡於臺謀無不諧鳩工度材版鋪子來匪防是曲惟水貴曲迂指吳維委蛇

還載乃經坤道抱於離腹千步有餘折入餉渠遠導嶺源百流皆輪激行無恙惟隄之障比於砥柱郡城是向

從眾之謀作閣其上千載乃成厥觀用壯飛翼翼方庭殖殖望之屹屹即之秩秩繪屏於楹有燦六星天鑄

去雕不貌以形左右雙亭惟閣之眩琅玕凌風兩叢青
青南為大池芙蓉播清橫亘小隄因舊河形最後築堰
上構三亭夾以垣牆截以杉柵對植名花縱橫成列春
瓊炫日秋丹迎月或浮錦浪或傲寒雪爛漫庭際吐芬
揚烈東峙浮圖聳秀城隅西祠文昌正氣是扶如揖如
承不謀而符其北隄灣日飛萬舫直郡之南當閣之前
方石鱗次厥構以堅鯢旋之湍止水為漣非為遊觀其
拊摩其教恬愉化孚人和膏澤滂濡朱衣楚楚青衿惟
旅頌德無窮傳經比字勒茲石文置於水滸垂于億年
仰止有所案周禮祀司中司命司文昌列古祀典乃天神也
六星四日司命五日司中是文昌列古祀典乃天神也
後世奉梓潼帝君此但如月令之以人帝配天神則可
耳不當失其本原又晉書天文志云北斗一至四為魁
五至七為杓開元占經云北斗第四星曰文曲今士人
祀之取此為杓開元占經云北斗第四星曰文曲今士人
為四綠也改作
奎字者亦誤

都天廟 祀司疫之神也境內都天廟甚多惟建於南門
外者為最久 案先儒釋月令二難以為疫者

馬神廟 祀房星也舊在大東門外馬監東明萬厰間馬
政罷祀遂不舉縣志載在二廟今分隸甘泉

財神廟 原建揚州府教場內 國朝乾隆三十二年兩
江總督高晉因教場地窄奏請遷於邵城西門

外所遺基址眾商請建財神廟以伸祈報而水神附之
五十六年運使鹿荃移建司治北圈門外 案財神亦

無主名次
天神未

東嶽廟 在縣治西
四望亭北

碧霞元君行祠 在東水關運河東
岸明嘉靖間建

城隍廟 在府治西北元至順二年花世輔建洪武二年
廟災二十六年知府關敬祿重建 案城隍之

祀始於唐明初封郡縣城隍侯伯爵後止改
稱城隍之神今府城止一廟郡縣同祀於此

瓜洲鎮城隍廟 在泗橋之東明天
改問鎮人魏榆建

土穀神祠

在縣儀門東又里社土穀神祠三一

江海潮神祠

在瓜洲鎮歲以八月十八日祭明景泰六

江水祠

在縣南瓜洲鎮案前漢書地理志江都有江

夫江海百川之大者也

今闕焉無祠其令祠官以禮為

歲事以四時祠江海

雜水祈為天下豐年焉自是五岳

注云江都縣有江水祠

俗謂之伍相廟子胥但配食耳

歲三祭與五岳同舊

江水道也太平寰宇記云江祠歲

王或易王嘉靖志云

江水祠在江都或謂為瓜洲江海神祠者非是

河神廟

與仙女廟相近鹽艘往來停泊

天妃祠

一名天如宮舊在挹江門外今建於南門官河

者相傳明中葉

閩估客泛海遇颶風舟落大洋眾飢渴

至絕島多奇花卉

有鳥卵五色布散崖谷間眾拾而吞

之得不死客曰

是必有故相追尋一里許得像石崖中

與所見神女畧

同眾相率拜謝遂奉以登舟像質沈香

舟忽重百人牽

紼絳邪許助之膠不進乃以筵簞卜於

神曰神其樂此

乎許之於是釀金造宮於邗水之上案

神閩之莆田人

與化志載五代閩王時都巡簡林公愿

第六女歿而為

神賜號天妃而藁城倪中天如廟記則

幼通悟秘法預

知休咎比筭不字能乘席渡海御雲以

云紹興乙丑八

月六日聞空中樂聲氤氳有絳雲若乘

自天而下神乘

之上昇是後常衣朱衣飛翔海上里人

祠之數說者未

知孰是然攷宋世神凡十四益封明永

樂嘉靖間屢著

神異晉封奉祠而夫人之游江海及水

早疾疫每祈輒

應則其為有功德於民而可列

諸祀典無疑也

此下三祠皆主水故附地示

金龍四大王廟

在西門外文峯塔灣案神姓謝諱緒

也折節就學絕意仕進望靈臺於金龍山之祖塋德

祐二年宋公投茗水死其門人即葬之金龍山元末鄉

人夢緒為神明太祖取臨安見神金甲橫槊空中助戰

其後漕艘往來屢著靈異天啟四年蘇茂相督漕水涸

神降言為我請封當以水報蘇具疏甫畢水驟長萬檣

飛渡得旨加封護國濟運金龍四大王事見明陳繼儒

金龍四大王傳略又邵遠平戒山文存云神父司徒公

仲武生四子紀綱統緒神居季故稱之為四大王焉

龍祠在瓜洲鎮八港屯船塢面金山土人謂之金山

不秩於三代之典禮記者謂之四靈蓋以為鱗蟲之靈

者耳其祀始見於封禪書朝那龍湫今天下大水之濱

無處不有龍祠宋之儒者論大河之治以為不宜祀龍

日是天地之功也龍何力之有然余竊以為未盡也夫

天地無為而百物之肖像於其間者莫不各致其能以

效其功而天地未嘗與之爭功然而百物之功孰非天

地之功也至於眾人之制為祀典也凡有功德於天地

之間者不問細大莫不羣然秩而祀之以致其報而未

嘗疑於與天地分功然而所以報百物之功亦孰非報

於幽明之故矣夫觀於蠟而見古人通乎鬼神之情而悉

是則古人為之禮祀以報之可矣至於大索鬼神而蜡

焉迎貓迎虎而昆蟲亦登焉者何也貓虎盡其能於食

鼠食豕之間而無遺利龍得陰陽五行之氣之精故其

變化尤靈貓虎未嘗無功於田而謂龍無功於水乎祀

貓祀虎未嘗疑於與天地分功而獨疑於龍乎然則龍

何疑焉而不祭於古耶曰百物之祭古矣又安知古之

三皇廟

在縣治西明洪武七年改觀音教寺為三皇廟後復為寺

禹王廟

在縣治西浮山後唐狄仁傑毀吳楚淫祠惟存大禹廟宋嘉泰間重建國朝鄧漢儀浮

山禹廟詩淮海揚州地難忘夏禹功四圍連蜃氣片石鎮蛟宮代改碑亭肅年深廟貌崇應修禋祀禮不與醮

同

關帝廟

內外城皆立廟一在縣治小東門月城報賽尤盛國朝雍正四年奉特旨春秋兩季

以太牢致祭又追封三代並立木主一在舊城北門內街東每春秋江都縣致祭乾隆間郡人黃履昂重修又

建斗姥宮太樓於廟內

東陵聖母祠

後漢書郡國志廣陵有東陵亭時有女子杜姜左道通神縣以為妖閉獄桎梏卒變

形莫知所極以狀上因以其處為廟號曰東陵聖母大平寰宇記云在江都縣南三十里萬麻江都縣志云在

城東蔡家莊元大德五年重建宋韓琦揚州祭聖母祠

其詳以清醮之奠昭告於聖母之靈某聞之於詩曰早

既太甚靡神不宗則知古人閔雨之際不愛牲幣凡神

能福於民而為民之所奉者皆得索而祭焉今歲夏季

以來境內不雨稽人狼顧以田為憂長民亦嘗設壇禱

龍款祠求神齋恪之誠不為不至近方靈應有答而民

望未厭是用陳茲薄薦乞靈於神神其體斯民所奉之

心示神能福之之意廣敷陰施惠此一方使時澤霈然

年穀大獲則民知神德不謂無靈尚饗

蔣忠烈王廟在南門外廣陵驛南祀漢秣陵尉蔣子文

其故里也亦廟祀之宋紹定三年李全圍揚州守帥趙

范禱於神屢戰獲捷為新其祠明初有默佑疆場功加

封忠烈武順昭靈景祐王嘉靖間海防劉景韶夢乘白

馬經廣衢一偉丈夫從旁挺丈入牙授劉劉於馬上揮

之萬眾辟易頃則所乘白馬嘶而騰空乃驚寤未幾海

寇犯境劉討平之追憶前夢知有神助偶過蔣王祠則

前古樹蟠白蛇吳王赤斧斫雲陳畫堂列壁叢霜刃巫娥傳意記悲絲鐸語琅琅理雙鬢湘煙刷翠湘山斜東

方日出飛神雅青雲自有黑龍子潘妃莫結丁香花

魏文帝廟 在城東蔡家莊亦日曹公廟士人誤為曹彬舟不得入臨江而還後人為之立廟明萬厯間已廢

要知南北長江限不及邗溝一片冰 宗觀詩土人伏臘走曹祠不記侵吳此駐師天與孫郎南北限舳艫冰

江時

佛狸祠 在瓜洲城南史宋文帝元嘉二十七年二月退歸佛狸者太武小字也因以名祠 宋陳造詩佛狸

歲未卯志欲吞字縣當年江飲馬腥血浸淮甸無人飯耕牛有木巢歸燕至今閣遺史為汝空飲恨緬想瓜步

雷殺氣纏吳分云何此山椒遺像儼高殿無乃甘事讐吳俗昧所見或復懸歷久後祠忘敵怨真莫彼有識福

死白刃胡不尸視之香火均遠近豈但祈神休抑使頑儒奮誰今決從違引手適我願 元王暉詩江山照眼

舒清眺千古興亡墮眼前瓜步市長連野戍佛狸祠古慘荒煙掩樓看取平吳日父老空傳飲馬年此日不須

開濁浪好風都屬往來傳 案太武所駐乃六合之瓜步山並非瓜洲沿譌已久附辨之

蕭梁公主祠 在瓜洲鎮凡病日者禱之即愈俗呼為眼

梁貴主遺芙蓉入江暈環佩有秋思祠屋新 粧在香簷舊篆吹何勞問張湛空得眼方奇

隋燕王廟 於難唐太和二年詔立廟江都

康令祠 唐咸通中江陽康令因禱

仙女廟 在城東北三十里西陽雜俎云東陵聖母廟女

祀之 國朝李沂經仙女廟詩原草綠萋萋輕舸轉碧溪近江流水急到岸客帆低廟鬼鑄頑石牆花剝舊

泥仙蹤不可問 惆悵日沈西

曹王廟

在大橋鎮西祀宋武惠王曹彬廟有古銀杏一株大可八九人環抱廣蔭數畝

韓忠獻公祠

內祀宋韓琦舊志云在揚州雍熙院內孫賁以所藏琦圖像置祠祀之

歐陽文忠公祠

在舊城祀宋歐陽修

聲隅先生祠

在城南楊子橋祀寓賢黃晞宋江都令羅適建宋蘇頌聲隅先生祠堂記曰聲隅

先生祠堂者知江都縣宰承議郎羅適所建也先生建安黃氏諱晞字景微年少時以有道稱於閩中泉南陳侯靖福唐陳侯絳在郡日爭以禮延請躬率諸生試聽講席於時士人皆尚章句務為奇靡先生獨好古學不與眾合嘗做論語法言著書十篇其發明聖賢道義之隱微與古今治理之得失詳矣自題其篇為聲隅子歛歛瑣微論其解曰聲隅者辨物以上五十策求應直言詔年四十矣始隨鄉貢至禮部又上五十策求應直言詔復從諸少年校程式於場屋間乎可以逝矣然欲閱天下義理觀未見之書莫若居京師為得計遂就舍僻處

易其說以左氏凡例為得聖人之微鄭康成象數極天地之蘊學者較量攻擊終莫能窮奧矣丞相武寧章公以其鄉人召置門下權利所處非其樂也時我先人方在臺省早聞其風下榻以招之先生欣然就既一授館凡歷五期頌日與之游切劘論難愈久不窮後十餘年頌復仕朝廷先生獨居陋巷晏如也又著揚庭新論十篇其指陳當世之務有若言禮樂述作之所由則太常卿論足矣言郡國武備之廢置則九州刺史論足矣餘篇悉然蓋欲見於行事者也方是時公卿大夫交章論薦者數十人朝廷用丞相韓魏公言將以為國子監直講先生自謝於富丞相曰老生豈任仕宦者耶必不可辭願得七品閒官還南方足矣仁宗皇帝聞而異之特詔授太學助教致仕從其志也嘉祐二年四月無疾卒於隆和坊僦舍死之日囊無餘貲惟蓄書數萬卷存焉一子在遠不及治命門人范遷張粵議以頌為知先棺就殮且謀寄骨郊寺翼日魏公遣使為幹殯且又奠之以文其略曰先生之道德不用於朝宰相之過也聞者莫不痛先生之有時無命而推魏公之推賢抑已也未幾其子自南方來挈旅櫬載遺書以去過江都藁攢

於楊子寺後圃既而交遊故人共為復土就葬其地其
未葬也川陸之經由者識與不識皆過其下咨嗟留連
或為歌詩哀辭或書名屋壁至於木膚竹籜題記殆遍
其無位而得民至誠而感物近世未有也羅君苙邑之
始首來奠謁因覽馬鬣黯然而懷愴且謂大儒不祀後世
何觀昔汝南先賢列城圖其像有吳君子仲尼表其墓
思人尚德由古而然於是即其故墟規度餘地增土於
上者幾仞構其旁者幾椽設像中楹儼乎惟肖村力之
費悉出俸泉不勞於人幾日而就兆域有表松楸有序
所以示來者蓋有激於風誼而成日遠近來觀且欲記
其經始之由載始卒之行刻諸金石託文舊交予惟先
生之道生不得亟行於時死而有名卿巨公周恤其後
事歲月久矣餘芳逸焉又有賢令宰為之封植幽壤表
章令名後來之人有踐斯地登斯堂把先生之遺風知
大雅之不改雖縣緜浸遠棟宇其頽又將繼而
新之廟食茲邦重範來裔孰謂先生無後乎
彭守祠 祀宋揚州知府彭思永案萬曆
江都志作彭公生祠在舊城今廢
繡女祠 在四望亭之隅相傳宋高宗南渡遺宮女於揚
一縣西北隅內有博樹樹
株明改為東嶽廟

鄭忠肅祠 祀宋揚州
守鄭興裔

崔守祠 祀宋揚州
守崔與之

邱公祠 祀宋揚州
守邱岳

顯忠廟 在舊城內祀宋死節臣吳從龍今廢案宋史
從龍傳云賜額褒忠詳事略志雍正志作顯勇

萬麻江都志作顯忠
未知何據今姑從舊

文丞相祠 祀宋信國公文天祥舊附主於城西三義廟
明正德間巡鹽御史劉澄甫倡立專祠於城

南歲以三月上巳日臘月九日祭嘉靖五年巡鹽御史
戴金萬麻二十四年巡鹽御史楊光訓相繼修國朝

康熙五十九年江都知縣項維聰重修劉澄甫祠亦宜
記日文山忠孝節誼今古罔有弗知天下俎豆禮亦宜

之當其奉使伯顏被雷軍中與其客杜澹苗十二人夜自
鎮江潛逸真州通書二路制置圖惟厥功苗再成給以

出城李庭芝備而不納走伏藜篠乞食樵羹斯時也先生心跡危疑孤險雖宋世忠臣且猶弗信他尚何言哉顧冒山海之艱招疲散之卒仗義勤王捐生滅家卒之國今悲傷不休正德九年余監兩淮鹽政往來惟揚真州間攷尋遺跡父老謂鄉人久立祠於城西便欲瞻謁弗果仲冬徐駕部晉過余言乃詳又附祭三義廟內余惻然弗安累日鄉士大夫皆盡歎息欲改構祠屋更飾丹青崇乃祀典勵乃風化翼日守揚孫參政祿持狀謁余曰文山先生祠僻寓他祠棟宇湫庳林莽翳蕪神惟不享為守者懼敢請於執事乃謀及張運使偉借與縱觀於城之南厥土惟阜三山遠臨巨津迴抱神之來止福並萃止其若工費調度悉偉處分且無捐儲無動眾余特屬諸運同高選材掄其堅工徵其巧經始之日士民商賈乃罔不悅今年四月十有三日不作五月廿日克成外門隙地方鑿一池宛通河水繚以塼垣七十餘丈中堂燕室各表三舍左右廡庫皆稱工之弗逮者又捐公移積貲及鹽賈一二量願助之深拒弗納者眾也乃審厥像塑惟舊繪盛以冠冕表以封號嗚呼忠道之心人皆有之百千萬年固有所聞先生之風而振起者祠

之興廢夫何足恃 國朝郭嗣徽重建文丞相祠記曰康熙五十九年庚子邑侯項公特捐俸修復宋大忠節信國公文山文丞相祠侯莅邑甫踰三年其於民飲水而已力不能致千緡以新此祠而又為上請離使張公倡之曰此皆廉者之俸先賢所樂享也且邑政至繁劇侯頽至祠親督匠師視其勤否工拙閱三月祠成又拜奠告成文氏之裔孫隸名學宮者夙戚然於先祠之荒廢而莫能呼籲於有力者之前也一日觀茲鼎新其感侯之德頌侯之功烏能已已願侯推而示眾瞻仰節行自可師百世而表揚先賢無匱祀事以示眾瞻仰正人心而厚風俗自吾典茲士者之責也何文氏裔孫之喋喋稱謝為夫公盡忠於宋廟祀於明其祠於揚也始在城之西規模稍隘正德間御史劉諱澄甫為遷城南立今祠制始宏麗嘉靖五年御史戴諱金二十一年御史胡諱植及萬厯三年已亥御史許諱三皆崇禎十六年癸未御史楊諱仁愿皆加修葺然皆自鹽漕分潤而守令之勤事蓋未之聞今去癸未又將八十年神雖呵護不能禁風雨朽蠹之不日即於壤也懿好雖有同心過者徒為吁嗟太息而已其擁多貲者或指某神之能司人禍福而輝煌其廟貌以祈庇我此大愚也更或

從事寂滅之學佞佛求福廢棄人倫不免為異端之惑
其有立忠孝至行如公者縱心嚮慕之而亦姑置之矣
非侯探討經史崇正學厲名節安能亟舉茲工不惜費
緩不餘毫髮間也祠建大堂三楹位公像又門屋三楹
兩廡各屋六楹門外命多植松柏較舊制增壯焉其物
質之美好納鑿之完固又數倍於前文之裔孫知侯之
推而不好也私屬余志之俾奕世後無忘侯德功云侯
名維聰字穎叔浙江嘉興人嶮使張名應詔字圖園湖
廣武開衛人程文正詩一片趙家土孤臣脫死時未
成浮海計猶記指南詩壞壁穿枯竹陰
廊叫子規夜聲聽畫馬應背北風嘶

楊家廟 州在府治西祀元揚
路同知楊敬一

陳總管廟 封於朝立廟姚家沙大岸墓旁後因江漲子
孫遷墓於城南善

應鄉復立廟墓側

蔣公祠 在南門月城內祀明知府蔣瑤今為護國禪林

民懷弗已乃作是祠夫守繫千里休戚一郡之民賴焉
揚為郡俗靡民勞守賢功易以集而譽流不賢易虐民
有憂正德間公以名御史出守荆移官於揚初至歲饑
即請漕米萬石用活民囂訟公諭遣之不務深文株連
日毋滋為其困苦衙子弟欲取堂幅紙為文公曰毋以
此為吏入之漸出數錢別市紙以供之及聞大駕將南
諸路斂取山峙公一切簡省日臨時利害瑤請以身當
之諸僚更欲盡賦民免徵之糧以供案成公裂之曰民
胡可欺比至扈蹕諸悍弁權璫百需公不聽當道欲斂
夫直饋公亦不聽怒繫公於舍公憤臥欲絕竟不聽璫
欲刷民室女公曰惟瑤有女但遠不可必得若揚女不
可刷璫欲奪民舍以拓官店公曰民安居不可奪及諸
求胥罔有得恨繫公於舟不飲食者三日復驅公扈舟
以行公至徐乘一驢抵臨清乃返一郡卒賴以全及官
轉夫婦覓一輕舸載原攜至二衣橐便行嗟乎揚大郡
守胡求弗得公至幅紙不私一夫不斂比及雷震山壓
之秋而死亡利害又一切為民以真誠純德而不悔傳稱
古循良固多其能治行養民若公真誠純德出於天而
愛我民痛心切膚如赤子者幾人昔我揚昭陽恭愛常

有廟謝韓范歐亦常有祠然諸賢時可為而處其易公
則逢事變而當其難禮能捍禦大災患祀有奇節完德
在人祀公實兼而有之祠以百世孰不可祠在郡城南
大道之旁堂楹門楔宏麗而肖公之像於中我民日往
來不知其幾過必式必拜拜則頌而思休有意於思齊
乎思公為人而致其履思公行政而效其施加之民而
民被其福是亦公爾矣安知民異日之愛我不猶今日
之愛公乎若乃見而不知賢賢而不知效法顧自棄則
公之罪人也有餘而不知賢賢而不知效法顧自棄則
子少保工部尚書朝野方倚重若買地購材鳩工倡眾
以成是祠者義官鄉者諸姓名具列碑之陰相既為記
其事復作詩遺我人俾歌以永思其詞曰於休公仁日
甫日申天錫厥德惠我揚民揚為要區物瘵民痛誰其
父母薄寬我誅惟公之治廉公盡瘁哀我顛連緩我髦
稚思勤劬化點旋弗私片紙弗斂一夫漕米萬石
我民胥活賦有特蠲野無疲役大駕南來力竭天回孰
刷我女孰括我財我民莫居胡奪我廬三日弗食我繫
聿蘇蹇驢遑遑臣節惟良我民期怙曷云能忘有新厥
祠有穹厥碑秩秩嚴嚴報祀孔宜祠當藜藿尚敢後賢

唐公祠

在南門外官河南岸祀明督淮揚軍務都御史

李公祠

在南門外官河南岸祀明督淮揚軍務都御史

李襄敏公祠堂碑記畧云揚州舊無開府揚州有開府
自豐城克齋李公始在嘉靖時倭夷毒擾東南衮延淮
揚諸郡朝議以揚州為南北襟喉要地特設開府重臣
督治之於是世宗皇帝用廷臣薦以旌節起公於家授
鹽書提督軍務兼巡撫鳳陽等處公聞命星馳至鎮賊
船不敢迫近明年糾眾數萬入寇公帥諸將登壇誓師
一擬死報國恩躍馬先驅為將士倡殲之丁堰殲之西
亭殲之馬邏廟灣七星港賊又至殲之仲莊殲之鍋團
殲之劉家莊白駒場盡殲之唐家謀前後公奏捷斬賊
首四千七百四十九級燔溺死者無算江南北晏然淮
揚父老為建祠俎豆之言言
翼翼相望四千里間不絕
怡賢親王祠 在城南三汊河茱萸灣雍正八年奉
旨建乾隆十六年 高廟南巡改

大殿祀關帝以賢王祔二
十二年御書匾額

倉聖祠在天心墩舊塑于樂善菴佛像之旁
國朝朱森桂等拓育嬰堂廢址別建有碑記

周公祠在挹江門外祀順治
初兵備副使周亮工

五賢祠在瓜洲鎮泗橋東祀漢董仲舒宋胡瑗王居正
李衡文天祥後又增祀明史可法

六賢祠在西門內惟揚書院後祀宋范仲淹
胡瑗程顥程頤朱熹以明王艮附

范公祠在南門外官河東岸祀明尚書右僕射純仁徽猷
宋名臣參知政事仲淹尚書右僕射純仁徽猷

閣待制純粹後又增祀國朝大學士文程浙閩總督
明葉相范公祠記曰嘉靖庚子徂夏兩淮都轉

承謨明葉相范公祠記曰嘉靖庚子徂夏兩淮都轉
運范公祠成蓋兩淮之人思公之德之政共立以祀公

也公於嘉靖癸巳以河南守轉運兩淮緣兩淮財賦殷
繁事體重大十倍他司當寧最公治行選擇任公莅政

之初適鹽法弊壞公私莫為利公即以治家事治之殫
畢心力顧鹽法弊壞一節然邊儲國計中間利病蠲與公日

徙派海之地頻年災丁竈困踣公撫摩若嬰孺賑集轉
右姓挾厚貲佐邊官司不察往往威辱上下情遂扞格

每折閱棄其業去惟公凡有呼召必先羣議於廷開誠
布公若家人然疴瘵疾痛必為之慮自是諸商出則父

戴入則子趨近年徵收掣羨實帑固法之宜但上之取
既十倍於前而期限復逼若風火鞭笞鎖逮愁苦公

力為寬假每使徐貫魚以輸舊一切供億仰責店主商
罰無紀極公盡革之不得已而得百分一耳日民膏我

帑我敢魚肉三十場鹽僚屬吏因遠僻多貨公處之若
和而約之實嚴畧不假借眾始或對終則賴以自全感

且喜凡南北經往賓旅交際際旁午公惟待之書冊果茗
不以幣伏臘僚友宴集惟魚肉脯醢無兼品公堂解舍

圯甚則因其舊稍葺不堪日我姑待其豐公本儒素人
以爲官既久或統綺徐察其私麤衣糲食晏如也惟遇

興革一政必盡夜咨訪惟精惟允明日入以告於上官
日若何爲利若何爲不利上官諾而行之種種皆美政

以告雖自公出也間有見或殊人情或未協必累執政
公勸商督竈疏決盡通一帶河流淤舟不可運需費無算

訟則立召於廷數言得其情去久之民間大訟大獄多
 就公質成踰三年政大洽上下胥利人頌之曰鹽政奚
 廢公未逢鹽政奚興逢我公又曰范來早我人飽范來
 遲我人饑丙申轉陞參政蜀藩啟行日遮送者空里巷
 有泣者擁者有念公官貧懷金走三五十里百里遺公
 者盡卻之絲毫無所取眾嘆惋回皆曰吾何以報公德
 繫吾人永思乃告於諸上司擇城南無原合謀并力以
 作是祠肖公之像於中香燈炯爛不絕堂寢嗟嗟門庶
 翼翼高楔重垣峻且華面陽而枕流過者胥式乃語相
 曰大夫食於家久見吾公之政真又曰大夫每慎許可言必信
 私交於我公其好惡悉當又曰大夫每慎許可言必信
 幸為我記相歎曰夫禮有功德於人祠於燕羊祐於襄
 祠之也宜昔石慶生祠於齊樂布生祠於燕羊祐於襄
 張詠於蜀凡以報功德而釋思也相竊觀公為人性本
 嚴而敷政則寬守本介而待人則恕本欲為國豐財而
 反薄其取本欲為官最課而反緩其徵何也蓋寬與恕
 正孔子所謂居上以寬而得人之本薄取緩徵則百姓
 足君孰與不足之意也賢哉吾嘗歷攷兩淮後先居是
 任而善於職者不過數人前有耿公九疇繼有畢公亨
 復有李公說皆賢人也歎以廉克畢以敏克李以嚴克
 公實足以繼其美而感人之深則過之祠之百世宜也
 相得為記公之德而政之大且要者若此以告我人不
 知自是聞公之風而興起者幾人可以同公俎豆是祠
 當虛以俟若乃見其善而不知其好好而不思與之齊
 仍尋常黷取以厲人亦或旋逐而自棄傷國之體債官
 之常則公之罪人也而哉是役也首其事者商耆并諸
 協力以佐亦秉彝好德之公非取悅於公也其姓氏及
 供祀事土田廣袤備書碑之陰可攷公名鏗字平甫潘
 陽人正德丁丑科進士
 今歷臺省日躋華要云

三將軍廟 在城西舊志云宋將元怡梁宏張昭與金兵
 戰死儀真郡亦立廟祀之 案死事者乃梁

淵元宗張昭也詳事畧志

三忠祠 在瓜洲鎮嵩山寺內祀宋魏俊王方趙淮明

旌忠廟 在瓜洲祀宋死

三趙公祠 在城北宋紹定間李全圍揚州江淮制置使
 趙善湘淮南安撫使趙范淮東提刑使趙葵

共勦平之民
為立生祠

紀忠廟 舊志云在雍熙院西祀宋紹定涪祐間淮

傳忠祠 宋度宗咸淳十年十一月贈趙文義清遠節度使文亮共立廟揚州賜額

傳忠事詳宋史
今不知其處

雙忠祠 一在通濟門外官河南岸祀揚州府同知朱哀

亭祀贈太僕卿高邦佐贈僉

三烈祠 在瓜洲鎮明嘉靖六年巡按御史王鼎江都縣知縣劉良卿以嵩山寺隙地建祀宋烈婦趙淮

妾明烈女
殷氏周氏

昭忠祠 在府西街 國朝嘉慶十年奉 旨各府州

源以邗江學舍改建每

忠孝祠 在府

貞節祠 在縣學西雍正二年奉 旨直省各府州

官為致祭府學另有孝子祠則舉人方天育為其會祖

立禮建縣學貞節祠舊極界隘乾隆三年邑人金維紫

買民居擴之汪

下市廟 見劉敬叔異苑

孝婦祠 十道志云揚

社稷壇 在西門外壇巷

風雲雷雨山川壇 在南門外三里

先農壇 在便益門外黃金壩雍正十年析縣後知縣龔

廟位一間大門一座石牌一塊周圍牆垣牌樓三座神龕
牌位一座藉田四畝九分耕牛一具農具一副農夫一
名歲給口糧

厲壇 在北門外壽寧街與江都同祭

八蜡廟 在江都西門外與江都同一廟

火星廟 各坊俱有 國朝乾隆元年奉 旨特建
在三元坊後曰炎帝宮守令以時致祭列在祀典

魁星樓 在公道橋鎮東臨湖里人呂雲等建

文昌祠 在南門內新橋又梅花書院後有文昌樓 國朝嘉慶十四年鹽政阿克當阿建又公道橋亦

有文
昌祠

都天廟 一在新城蛇虹橋一在舊城門外

馬神廟 一在校場演武廳一在左衛街

東嶽廟 舊在拱辰門外有高阜名太山者其故址也元成廷珪有嶽陵宮詩後廢今在新城洗馬橋

又黃珪橋有東嶽廟明邑人高瞻建 國朝阮元重修黃珪橋東嶽廟在高忠節公宅北為公之子瞻等重建神屢著靈異其事詳載康熙十六年之舊碑每歲三月二十八日遠近數十里農民皆詣廟祈田事嘉慶丁卯太守汀洲伊公以男女稍雜釐禁之其祈年者如故也是年三月焦孝廉循病甚篤其弟律徵禱於神應禱而愈律乃修山門及大殿完其垣墉新其像設乞記其事於元元謂聰明正直者乃為神以弟譚兄病涕道也神當聽之亦猶農夫野老以祈齋報豐來者神亦當聽之苟非合乎禮止乎義非正直之神所許也神之所以自正其祀而永固其廟貌者亦以此也銘曰神著功德兮正而無私綏我豐年兮民亦祀之此也銘曰神著功德兮正而無私綏我豐年兮濕霓旌小隊紅綃鳳蠟明鸞鶴舞隨行道影魚龍出聽步虛聲淮南高士青毛節句曲仙人碧玉笙一路天風吹不斷此身今夕在蓬瀛

碧霞行宮

在東關外運河東岸祀泰山碧霞元君明嘉靖初建歲久廟圯國朝乾隆三年鹽政三

保重建

又有泰山宮在邵伯鎮北亦祀碧霞元君

城隍廟

與江都縣共祭府城隍廟

古城隍廟

在西門堡城外相隨建自隋代

土穀神祠

在縣儀門東

晏公祠

在東關外祀水神案雷青日記云太祖渡江取張士誠舟將覆有紅袍救上且指之以舟者問何神曰晏公也後豬婆龍攻崩江岸神復化為老漁翁示以殺鼉之法問何人又曰晏姓也太祖感之遂封為神霄玉府都督大元帥所祀水神蓋卽此也

金龍四大王廟

在東門外黃全壩西岸

昭佑龍王廟

在雷塘元大德五年建久圯有碑存阮氏也問之老農曰廬前石坊之西王氏墓乃廟故基明代輯土神廟出其碑洗而拓之碑正書篆額乃元大德五年辛丑昭毅大將軍揚州路總管府達魯花赤兼管內勸農事李蘭奚等重修宋龍王廟之碑也雷塘在唐宋為巨浸以其立都雍豫江淮轉運當入泗汴諸水濟漕故也元用海運而塘水尚存明漕於燕不恃塘水仇鸞等乃洩水開阡陌矣元讀碑有感於靈蹟且檢宋人文集亦有禱雨雷塘龍王廟文是其蹟數百年究不可沒乃以墓廬三楹立座設龍王象庶使邨民歲時有所禱祀以濟旱暵立其碑於庭之南而記其略於碑陰嗚呼王氏者明大宦毀廟為墓慎矣余四世祖武德將軍以明末葬於邨之東北曾祖祖考三世祖葬焉今余獲神碑而復神祀禮也碑載龍有降雨之靈宋封昭佑王元代混一區宇合淮東宣慰司隸於揚命中書魏行司事撫治全淮公元勳世家碩德重望於命下書魏行司事禱雨皆應八月廟落成殿六楹門六楹環堵三十五文中塑像旁繪雨部象揚州路儒學教授馬允中撰文并書辛丑四月立碑同官者正議大夫揚州路總管兼管

內勸農事移刺慶堅奉政大夫治中馬居仁奉政大夫
同知口口推官馬蕭判官劉知事劉經歷張提控林監
工許其列銜李蘭奚居右之首行移刺慶堅等以次左
之蓋用元國書右行法也官制與元史皆合惟李蘭奚
以中書行司事官揚州於史無徵元史列傳卷十八卷
二十卷二十二名李蘭奚者凡三人攷其宦蹟年代似
皆不合移刺慶堅等亦皆不見於史蓋此李蘭

五龍廟在城北九曲池宋陳造有記城西七里店亦有
圓通菴餘地五龍廟相傳嘉慶四年運使曾煥建宋陳造
然為一郡乞靈之地案圖志藝祖皇帝初而備嚴於今屹
第繪像於建隆僧舍其廟於池事已乃廟祀之其後廟廢
漫不修於元今待制趙公來制帥某復屋之於池而西偏至
嘉泰之元今待制趙公來制帥某復屋之於池而西偏至
以中熟慨念水枯旱暵挽回豐穰非龍孰致之而訪視
所建庫廩甚人莫起敬惕不敢安乃移為今祠居有殿

廟則宜也附佛宮主香火以僧欲其專也遠邇聞見奔
趨畏敬祠祭祈報無或敢怠始其經度也或告九良星
在焉盍緩之公一夕夢人頤而髯顴聳而色瑩黃袍而
黑緣捧赤土龍笑援公公許即為立祠且則鳩工庀材

不日而崇成迎奉之辰晴日麗空遊雲蜚雨滂鬱廟廷
公親書廟額以揭殿顏是日飛雪薦瑞邦人聳觀其靈
異昭著如此夫仁民而為聖賢澤物而為龍相異而相
同相需以濟其所不及天命之也而聖賢又龍所依惟

五龍顯異於昔朕夢於今效啟聖之符而致濟世之功
惟公積而德敷而政其信於君孚於民者俯仰無愧故
有請於龍若存鼓若政其響惟其必諸已故能必諸真漢
儻悅之表不若公謂某粗知文者使之志龍而紀之惠利廟之

廢置庸詎永久辭不獲遂以公之詞曰五龍顯迹肇我藝祖
所以媚於龍者詩而碑之其詞曰五龍顯迹肇我藝祖
越四王戌郡所依怙顯允趙公建燾茲土乃新廟貌乃

大祠宇乃以早請應不移武始焉中熟今茲四舖民舒
氣和艾晴稼雨盈尺之雪及歲未暮既雪而霽望無違
者民究所自式歌且舞惠濟如公漢則召杜宅生於公

古則岐趾惟龍於公如賓斯主祐公之民歆祉羨嘏公
為民請龍弗拒之鑿黍刑牲龍則茹之鼓桴之應如寄
而取如掇而予如交臂語民體公意莫龍敢侮禱禳謁
款滌樽潔俎歌歛紛若坎坎其鼓殿馭靈旗庶其來下
庸祇事龍彌亘千古
盤古廟 蓋本漢興平初成都太守高朕所繪禮殿聖賢
圖 在城西四十里盤古山上其象披髮席地而坐

邗溝大王廟 在城北三里邗溝之陽廟像衣服相傳吳
煥邗溝王廟記曰夫差築城邗溝後人祀之 國朝曾
故始皇北伐關漕運於邗那場帝南游達清淮於汴土
鄭國鑿涇以疲秦而關中成沃野知伯灌城而遏晉使
汾瀆有通津豈第櫟陽千頃民興禾黍之謠無棣三渠
人發魚鹽之詠揚州古邗溝廟者以春秋時吳王城邗
溝紀其績而祀之也爾時江淮不通蠻夏為阻禹力之
所未盡周官之所未修王殫厥眾庸順茲地防舉雨如
雲決川為雨西北於湖口東北匯於射陽下分九派

漢歷明為大都會漑下田而成賦上表四海而稱揚一
衣冠之所來往貨貝之所流通人之沒世不忘固其所
哉然自論者或以王當始大之時承獨霸之業楚子懼
而遷為郡越王辱而棲會稽伍員之謀可庸孫武之法
猶在王但春祭三江秋祭五湖且食於紐山晝游於胥
母通上國之盟好儼宗周之懿親豈慮千鈞之重加銖
而移乎夫何縱囚石室受女蘇臺增地句甬輸粟炭瀆
而且忘綠林之雀嗜高樹之蟬寤蒸鏗而不驚賜屬鏤
而不惜方欲窮兵齊闕壓壘晉郊於是邗溝之役興焉
是溝也不若劉項之盟中分為界徒效齊魯之戰三刻
而踰駕餘皇以如風揮羽增其若火迨至艾陵再捷黃
池未歸而越人維甲須慮已出三江之口矣始負玉門
之第九終應金匱之第八覆宗翟小葬骨卑猶得毋疑
今之廟饗者非王之神乎不知有功德則祀載於祭法事
以慮始為難澤以垂久為大故渠號賈侯埭名召伯隄
稱白傅溝有張綱王城邗溝明德遠矣夫圯族滔天猶
有黃熊之廟阻風斷渡尚立烏江之祠而況於王豈不
宜祀顧自康熙中修廟以來百有餘歲棧題既古金碧
無色行道同慨居民未安乃以嘉慶六年重庀梓材式

崇堂宇松柏映日鼓鐘鳴雷子忝茲土之官敢辭樹碑
之責銘曰峻高者隤茂葉者摧雉眩於網鹿游於臺梧
生園圃草蔓庭階獨遺廟貌時在江淮維此闡溝功先
商魯縈如衣帶瀉歎斥鹵貢籛方舟飛芻天府邗人餘
慕與溝終古昔之噩夢水越宮堂今之遺蹟波繞殿牆
三呼或應千祀孔長銀濤白馬朝夕朝王鳥喙雖雄不
聞血食王猶未死靈爽來式泰伯之

董子祠 舊在新城運司治堂後司址相傳為董子故宅
縣前儒學師生俱陪祀於北柳巷春秋運使朱致祭府
建方拱乾記之三十三年運使劉德芳重建四十四年

朱績 賙贖舊址鄰屋一區以廣其宇 明楊士奇董子
祠記曰金華何十英為兩淮鹽運使司運司漢江都王
相董仲舒故宅遺井尚存攷郡邑志而信遂葺井而作
亭於上又廳事之後作堂設仲舒位朔望必率僚屬致
敬四方士大夫過江都知慕先賢者必升堂而拜造井
而觀又退而竊歎士英之能尚賢也自孟子沒異端之
說競起迨秦焚滅經籍盡廢先王之法而聖學日湮漢

如論道之大原出於天強勉問學則知益明強勉行道
則德日起與夫正誼明道之言皆有功於學者論正心
以正朝廷百官萬民四方及有國者不可不知春秋皆
有功於世道君子謂使仲舒得遊聖門無慚游夏仲舒
固孔子之徒也自漢以來孔子之道晦而復彰自仲舒
始仲舒廣川人孝景時為博士武帝即位舉賢良對策
天子悅之以為江都相後相膠西王史稱其進退容止
非禮不行兩相驕王數上諫諍而正身以率下此豈徒
見諸空言者哉洪武中升仲舒從祀孔子廟庭表先儒
以儀來學也則其生之所居遺跡之所在士英尚賢者
其能自巳乎詩曰高山仰止景行行止知尚董子其必
心其心而道其道哉廣川今德州余嘗過之訪仲舒故
蹟無復存者顧時吏茲土者無可與語而德州之人亦
不復知有仲舒獨江都尚能致敬者由士英也 喬宇

重遷 董子祠記曰兩淮運司在揚州府治東其地乃漢
江都王相董仲舒故宅宣德間運司金華何君士英建
祠祀董子正統間四明嚴君正遷祠於廳事之後宏治
間新城畢君亨復於運司西建正誼書院正德辛未夏
高平畢君璽為運使莅任之日見祠居廳後惕然靡寧

重修... 祠祀一

以淮揚當衝要之地... 者恒以出入為艱... 巡鹽監察御史朱君冠... 子像於中為堂者四楹... 北建綽楔二又買田若... 食守祠者祠之後作書... 起道以收商竈子弟之... 迪焉丹堊咸備教條具... 走書於余求為文以志... 潛心正學所以秦漢諸... 與義利王霸天人三策... 稱其淵源純粹自學問... 不得顯於當時其遺言... 泯也今江都又董子宦... 以進修其實一洗夫薄... 有補於風化大矣豈直... 至有政績前知廣川時... 記之餘又能稽古攷德... 向殘編窺大雅漫從遺... 臘頻看俎豆將瓊苑龍... 國朝汪懋麟詩秦皇昔... 景禮樂猶缺如孝武策... 天子嫌其迂空令事驕... 士何為歟青茂陵樹斬... 猶不虛我思天人

理瞻望增欷歔
孔北海祠 在南門副使巷舊志傳揚有漢孔融宅
恭愛廟 祀漢廣陵太守陳登登嘗於城西濬塘慨田民
 側塘介甘儀之
 間儀徵亦立廟

關帝廟 一在三元巷後元馮子振作廟記蘇昌齡為之
 每春秋府致祭於三元巷後廟甘泉縣致祭於疏理道
 廟 在公道橋乾隆四十六年里人黃遵先等建又有

碑記曰大丈夫忠憤不酬於尺寸而廟食滂沛於九州
功名不畱於須臾而義烈感慨於千古長河之南大江
之北陋之而偏州迂之而僻縣朽然數十之眾輒哀金
券地畚土伐木寧鵲衣百結不敢虛丹獲於雲長之祠
祀寧蠅涎一角不致乏牲酒於雲長之廟睨於一旦劇
邑奸物充斥無意於中原劉虞殞命於幽朔卯金刀之
青僅懸其一縷之墜緒於樓桑大耳之衰宗雲長奮起
河東與昭烈遇自爾周旋艱險投間抵隙之會未嘗不
身親其間識者謂顏良於白馬之圍不如破孟德於
赤壁之關爭魯肅於益陽之瀨不如降于禁於襄陽之
攻勲業垂成貉夏為厄有志之士蓋深悲之嗚呼昭烈
展轉於公孫羈縻於呂布棲遲於袁紹進無容足之地
退無寄跡之穴四方響應之初乍合乍散乍奔乍軋殆
不知其幾矣而雲長不肯輒去復返古所謂主在
與在不在與否與否者耶人問梗梗之夫後雲長千數
百載所以願為之執鞭不慕王之三剪敵萬人慕王之
雄世百代不慕王能塊土列三分之漢鼎不慕王能赤
手擎一而之荆州其拳拳向雲長之心者特以其當賊

離顛沛之昭烈爾彼張翼德亦若是矣英魂凜凜雖死

猶生廣陵之城隍西廡舊構祠嚴祀雲長甚

謹予是以掇王之平生衷素如是并書之

神醫廟在太平橋今名華大王廟三國時華陀以醫神

為立廟以祀明成化間郡太守陳登病吳普師之陀歿普

夢神治之痊而獲雋貴顯後請以家祠救建今廟

忠貞祠在南門內祀晉尚書令卞壺嘗行廣陵相故

義門表揚為立祠明嘉靖間裔孫有五世同居者救書

劉猛將軍廟在南門內緡紳坊國朝雍正

謝太傅祠在運司治南即太傅安故宅也內有法雲寺

九年經臺省學使核正之祠舊有雙檜復補植建堂焉

郡吾始祖晉太傅文靖公之鎮廣陵也築新城創城北

之埭後人追思之比於召伯古者有功德於民則祀之

公之食於斯土宜也公子孫有居於揚者嘗即宅以為
公祠繚之以垣中垣而設之門顏其門曰謝太傅祠云
其後有姑氏為尼遂分其宅之一隅以爲寺曰法雲迄
子姓衰復以餘宅鬻於他氏存者獨祠與門而已

憲廟時

詔以公配享列代帝王廟尋

敕修所在先賢祠宇公祠與焉久之法雲寺僧覺菴者

陋其寺之庇於祠下也毀其門而新之而屬之寺以界

置彼教中所謂金剛像焉會故相國桂林陳公以御史

守揚州判其事杖僧而復之俾如故夫公以公忠碩望

受簡文顧命相孝武靖桓溫之難督師出方略破符堅

百萬之兵於淝水之上晉室危而復安其來廣陵也以

避道子之權功業既高而公居之若無有博奕雅歌依

然不忘東山之志其出處之際豈非古所謂大臣者乎

固宜攬昔賢之遺跡徘徊江步曠然欣戚於千載之上

而乃數楹之祠口就頽廢其僅而畱者又錯處於浮屠

之宮居民湫隘之室遂致緇流之黠者且肆心於蠶食

之計則茲祠之不相隨於變沒者亦幸矣昔桓元既篡

晉欲以公宅為營公之孫混謂之曰召伯之仁愛及甘

棠文靖之德竟不保五畝之宅耶元為之止夫人之愛

其祖也苟有所遺必思有以保之在昔建康之宅不忍

視其毀易今茲廣陵之祠豈可聽其湮替於是公之裔

孫溶生出貲千兩有奇白於有司盡贖門以內之宅於

他氏且鬻祠側地改建法雲寺而以寺之址復歸於祠

為門為堂為庭為廡為寢規模畢具經始乾隆甲寅年

孟冬落成嘉慶丙辰年仲春既乃述顛末以語啟昆曰

君其為文以記之啟昆不獲辭也謹次叙之如右其捐

金以勸是舉者啟昆一百兩振定四十兩延楠二十兩

亦列名備書為後來勸一百兩施鈞詩晉室將傾不易支

先生出處繫安危山間紅袖從游日天下蒼生望起時

風暖松亭春載酒月明花市夜圍碁轉頭樂事無尋處

空拂青苔

讀古碑

甘棠廟 在邵伯鎮祀晉太傅謝安歲久廟圯移像於五

書院隆慶元年學使耿定向遷像後殿國朝康熙二

十三年毀五聖祠改祀三官仍於後殿祀安東北四十五

遷晉太傅謝公像記略曰一統志揚郡城東北四十五

里甘棠廟祀晉太傅謝公安史述公淮淝捷後權奸扇

構出鎮廣陵築壘日新城相視步邱地勢西高湖水泄

嘗苦旱東漸下湖漲沒農田為築埭以界之民享其利

立廟祀之稱曰甘棠蓋比之召公斯鎮與湖皆以名歲
久廟壞鎮民戴紀輩飾像置五聖前堂隆慶改元夏五
月督學使耿公試士海陵珠追隨及鎮館於廟觀太傅
像肅然日先賢奚置是務正位於堂始稱乃檄揚郡守
衛侯侯下之江都尹方侯亟遷後殿遂以公命問記於
珠侯攷之晉書太傅處大事決大疑當大難成大功咸
不動聲色尋常談說措一決大疑當大難成大功咸
去後為人所思邵伯埭其一端也禮有功德於民者毋
廢祀督學公特為遷定其位夫固洽

二郎行祠 在東關馬草街趙昱與兄晃學道青城山
斬蛟除民害後隱去不知所終唐時嘉陵漲溢蜀人見
昱乘白馬從獵者馳波面水遂平事聞太宗封神勇大
將軍立廟灌江口昱斬蛟時年二十六故以郎稱後世
奉為神明遂多廟祀焉明正統間建今以關帝配左三

露筋祠 在邵伯鎮北三十里地為甘泉高郵分界祠祀
露筋祠 在邵伯鎮北三十里地為甘泉高郵分界祠祀
露筋祠 在邵伯鎮北三十里地為甘泉高郵分界祠祀

花祠 萬劫不復句然貞女姓氏莫攷獨明徐渭蕭荷
云舊傳有女子夜過此天陰蚊盛有耕夫田舍在焉其
嫂止宿女曰吾寧處死不可失節遂以蚊死其筋見焉
又陶宗儀說郛云西陽雜俎續集相傳江淮間有驛呼
露筋嘗有人醉止其處一夕白鳥喙血滴筋露而死
據江德藻聘北道記曰自邵伯埭三十六里至鹿筋此
處多白鳥故老云有鹿過此一夕為蚊所噉見筋而死
因以為名諸說互異然攷米芾碑文當以祝說為是明
正德間巡鹽御史劉澄甫重建仁廟御書額曰節媛芳躅
運使李斯佺再建

米芾露筋廟碑曰天地之間雖大體陽況君子陰比小
人而五行交相為功各有正位其麗雜者亦交處於陰
陽之間蓋亂臣賊子之所稟婦人女子之所羞雖其粉
飾一時班域聖賢明未即察而陰譴亦不旋踵則澤國
之女潛膚露筋不就有一子氏不顯於一時祠方揭
於千古庸夫庸婦之所傳稱有如昨日是幽顯之所共
信而古今不可得而議者然則伯夷叔齊之節不必俟
聖人萬世所自知明矣紹聖元年十月申岳外史米芾
東歸過其下刻石贊曰王化煥猗盛江漢叔運煽猗人

東歸過其下刻石贊曰王化煥猗盛江漢叔運煽猗人
東歸過其下刻石贊曰王化煥猗盛江漢叔運煽猗人
東歸過其下刻石贊曰王化煥猗盛江漢叔運煽猗人

倫亂一德產倚昭世典情莫轉倚天質善楚澤緬倚雲
 木偃煒斯因倚日星建元貢師秦詩飛蚊徹天連白
 草落日荒原泣姑嫂嫂留旁舍姑獨行花顏夜委長淮
 道亂聲鼓翅腹正饑利背啣膚血方飽妾行豈不念辛
 苦死重如山生似羽欲識當年一寸心廟前老樹啼春
 雨夜明王翊詩野岸分流截海垠按歌誰復賽波神孤
 舟夜向湖前泊商女挑燈說露筋王彞詩淮城小如
 盜僻在湖草邊蕭條城下路昔有兩嬋娟秋委艷明月
 相攜良可憐小姑泣向嫂薄暮慘墟煙炎天值暑溽一
 望白水田穉粒雜稂莠遠與蒲荷連落日帶沙岸滿耳
 雷闐闐傍徨自相弔所惜在青年依稀雙影長顧見返
 照前修途行旅盡惆悵不能還夏蚊且起著面劇霜
 鷗囊空無惟帳奈此萬背穿前村有雞犬燈火見歸船
 茅茨出叢薄隱約四五椽匪無有帷子叩門聊息肩嫂
 云得相依小姑淚濺冰肌與玉體忍委一夕眠風生
 翠木下兀兀坐為禪嚼膚攢利鏃灑血亂幽泉平生弱
 女子苦當雞肋拳肉盡志終定柔筋露蛇虵森然出天
 巧工豈人力鑄含笑化為鬼攝衣上雲駟素娥共蟾窟
 錯落諸星躔天孫下機處一時成俗緣何如作正鬼心
 不鬼青天終為孫下機處一時成俗緣何如作正鬼心
 流涓涓崇祠闐水裔珠絲縈几筵明粧儼如昨彷彿步
 湖蓮神柳剝將枯獨有心中堅垂柳白婀娜不受惡藤
 纏年臘雪後葉綻翠眉鮮鄉人粉榆社日有牛羊牽
 唯聞絳繚響紙傘散金錢神往女巫下妙舞特躡躑車
 旗颯靈雨簫鼓咽秋蟬祇愁不見嫂遠道正絲絲嫂面有
 古時魂猶記草中鈿歸來不見嫂遠道正絲絲嫂面有
 糞土長淮終不湔分明小姑面畱與後人傳米生性好
 古書字無半干至今麗牲石苔蘇澁蝸涎碑言天地間
 陰陽互推遷陽類况君子小人陰類偏五行有正位變
 化歲功全云胡值屨雜交處薦成愆亂賊所稟性狐媚
 最便僂潛如蟻與虱動乃百足成奄忽為魍魎鬼箭脫
 神弦赤手賣天下性命徒少延揚服袞黼班域在聖
 賢婦女尙知報奈何欺八埏明雖未即察陰譴固昭然
 唯餘澤國女白骨寄荒阡姓名何必顯有此大義懸清
 風起懦夫未讓夷齊專我觀碑上字滿紙淚淪漣共姜
 賦柏舟名芳刪後編春秋偉宋姬身與火蛾煎後來有
 此碑砥石當犇川隔江望高郵野水惟雉鴛憂來忽盈
 抱寫此露筋篇徐渭蕭荷花祠詩荷花一夕凋萬里
 秋無色獨遺花烈芳千秋襲陂澤揚舩遡大湖風緊日
 已夕水鳥習舊棲戢羽菱菰白弔古解維舟去岸不盈

尺秉燭寒繡帷金翹儼宮額燭滅颯然中神爽凜孤魄
念此芒吻微奚啻雄虺索豈無治容膏冰肌以為臙念
茲不能忘惆悵至明發陸弼詩古廟無名氏蕭條湖
水濱露筋空往事雪涕自行人山霧羅巾薄庭花玉貌
新南宮詞不愧獨與表貞珉國朝王士禎詩放生
湖上水儀舫女郎祠往蹟行人說清風古牒垂畫衣生
積蘇荒徑颯靈旗叢竹香蘋路依稀近九疑汪耀麟
詩祠水含煙野樹青年年白浪打浮萍鶯啼疑是黃陵
廟門外湖光似洞庭對碧湖深死千秋節遺祠官道
古今烏啼黃竹短門空林李滢詩貞女遺祠官道
心祠邊楊柳夜微茫揚州水調空明月古渡殘碑自夕
傍極浦鳧鷖誇皓潔秋花荷芰送清香可憐蕭颯陂塘
地惜借芳蹤亦在望彭桂詩蕭蕭木葉女郎祠一樹
牆花秋滿枝白葦黃茅仍此地清風皓月似當時成名
蛟蚶原無罪畏死鬚眉始謂奇前去淮陰漂母廟紛紛
下拜少年兒孫枝蔚詩花貌丹青古靈旗風雨多黃
昏仍獨自白鳥近如何巫曲迎神能官船打鼓過廟門
對湖水香氣但聞荷又露筋廟神絃曲巫鼓鼙花
體眩旋風呼雷細蟲僵玉鏡化為湖水光界娉
廟門大兄小姑色不温夜深神欲上天去人間汚穢難
久住王式丹詩噫吁嘻我不知何姓唯有露筋二字傳
今幾干春亦不知何姓唯有露筋二字傳
其真如初傳之田夫野老口後來學士大夫詩歌贊頌
萬口如一昏憶昔嫂與姑中夜走荒塗秋蚊密如霧利
啄嚙柔膚嫂投田舍豈必不自保姑縱隨之豈肯為人
汚而乃皎皎中天日湛湛一泓水決不令微塵點翳畧
近清白軀當時但取自潔淨豈其有意為名乎無意為
名名所趣萬古歌頌如此女者真絕無作歌自誰氏歐
公倡其始海嶽實繼之後起騰萬紙前明張珩一闕最
奇崛我朝新揚烈皆可訓俗孺廉恥其餘作者妍媸雖
各殊大抵表貞揚飛藜可矧院夾重肥明之嘉靖年中所
在湖之涘接檐敞飛藜可矧院夾重肥明之嘉靖年中所
修葺百五十載以來日傾彫甍湖直瀉萬頃波潏沉四
圍齧其趾幾叢瓦礫散蓬蒿幾度昏鴉噪秋水異哉烈
女有神靈靈旗夜下廣陵城髮髻冠帔儼天仙青鸞白
鳳相逢迎廣陵太守夢中見親承嘉命鳩工一修不
已又增修煥然復舊觀崢嶸歷代標題盡洗刷一修不
黜陳兩楹磨礪大石鐫古篆賢哉太守雷其名我來瞻

重修易州志

卷之二十五 祠祀一

三

遺跡俛仰三歎息肅拜具衣冠冰霜照顏色肝蠻何佛
宮有血幽通真宰關神力似此流芳萬千億上帝當加
衰朝廷當賜救何但區區一郡士女所矜式噫吁嘻湖
水無時涸河隄日脆薄廟堂憂民憂南顧誰付託烈女
之神貫天經亘地絡既費百萬金錢填此無窮谿與壑
帝障此波臣虐朝廷歲費百如天妃元君配位泰山與海
何不刑牲沈玉祈神麻一忽發狂言瀆明神神聽吾言不
若噫吁嘻我本災餘民忽發狂言瀆明神神聽吾言不
昏孤舟一葉纜牆根春來猶見舊潮痕

范文正公祠 在城西平山堂東祀宋參知政事范仲淹
祀公後裔大學士文程總督承謨

胡安定先生祠 在城西蜀岡大明寺右明嘉靖六年巡
鹽御史雷應龍巡按御史王鼎建祀宋

胡瑗後增祀李衡王居正為三先生祠
繼又增祀李樹敏沈珠為五先生祠

歐陽文忠公祠 宋慶厓中歐陽修知揚州民感其德為
立祠歲久圯移祀於平山堂後樓以

蘇軾配康熙四十四年 仁廟御書賢守清風額

懸祠內乾隆年間歷逢 高廟南巡俱有
天章及 御賜法物五十八年運使曾煥恭摹
也 御題歐陽修像於平山堂側壁間乃 內府藏本

羅合祠 在邵伯鎮法華寺側祀宋江都令羅適歲久圯
江都以誠心為主恥言鈞距惠文之事凡民有訟曲直
徑決於前不以其屬吏註誤若小過輒誨諭遣去視鰥寡
孤獨之有失其所者如已致焉黎民有不盡之情孰敢
或譏其太勞君曰與其委成於吏民有不盡之情孰敢
勞已之耳目哉居數月行政化大行民知其長者不忍欺
給之訟者益少君乃出行諸郊所過召其長者問以疾
苦及所願欲而不得者為罷行之始復大石湖改名元
豐廣袤數百步溉田千有餘頃是歲大穰畝收皆倍於
是遠近自陳願復陂塘溝渠之利者相屬君一切聽許
親至其地與之經始築大隄以卻潮之患疏潦水而注
諸江凡水利之興復者五十有五澗田六千頃而桑之地
以穎種者亦八十五萬有奇徙其治於東南爽塏之地

重修... 卷之二十五 祠一

為屋數百楹以其贏材新驛候亭館之在境者又頗出
私錢營致藥劑以給疾病之民所瘡至不可勝計歲或
乾溢有禱羣祠而賜輒應如響世益謂神其享之歲滿
代去其民思之不置乃聚而謀曰我民之德羅君至矣
顧無以自效聞古有召伯者善治民民追思之至不忍
伐其所憩之棠又有謝公者亦其流也嘗於斯城北築
其地請畫羅君之像而祠之今其流在江都之日使羅君
名與召謝共傳而不可朽亦可以慰吾民且日使羅君之
人學法華佛寺置生祠焉羅君名適字正之台州寧海
見皆以不合罷歸其莅官行已所可書者甚多書在江
都者以爲生祠記云

畢招撫祠

宋開禧間畢再遇禦金兵以
為民衛郡人立祠於夾城

曾襄愍祠

一在廣儲門外三元巷會家垣祀明嘉靖
二年給其孫士達衣巾奉祠祀
國朝康熙間巡鹽御
史李其發學田十畝為祀產

西北有高樓東市朝衣烈士休雪嶺輸從牛太尉灌夫
禍始魏其侯羌兒入塞駒駘壯曠騎防秋筆葉愁六郡
良家聽隴水夜深鳴咽為誰流

晏公廟

在小東門內粉粧巷口
祀明嘉靖死倭難晏銳

王公祠

在廣儲門外淮運同裴述祖
明後增祀兩淮運同裴述祖

吳公祠

在廣儲門外梅花嶺祀明知府吳秀嶺即秀所
築秀有惠民立祠其巔祀之歲久圯後建蕭

孝子祠嶺下遂奉主其中故碑猶嵌壁間明凌儒祠
記曰公之受命來也乘民航涉境角中徒步博訪閭閻
之所急知種種狀於是下車道號呼聞監司為請於
公憤激即日攜家去士民遮道呼聞監司為請於
朝獲俞旨塘復其三黃河赴江入海朱家港芒稻河其
尾閘也公請疏之不報未幾河鬻漕隄六邑田廬蕩為
浮菹公撫膺流涕攜殘民日哺之期望戴星起謁先師
畢坐堂上質諸生經義錫以楮隨所質上下以為勸
激瀕行密緘數題授博士員翼日試諸生膳餼倍常格
悉出俸金自下車及代去無一間者過衛治觀其敝延

主者詢故以經費不支對乃悉俸起其做甫替而衛棟
隆起城內市河閱淤僅存脈流又新城北隅深廣若千丈引官
草木蒙茸人跡罕睹公挑北隅之隍深廣之水接臨流關
河之水注其中溶城內河淤者與新隍之市於是新舊
門號曰廣儲內建糧倉外築梅嶺民居成市於蒸然肩
二城水相縈帶舟楫往來數十年間寂之墟乃儲穀練
摩踵接矣無何日本犯順公誓與城相存沒乃儲穀練
兵崇堞浚壕樓櫓戰具一時悉備吏呈鳳案僉報大戶
以備城守公叱止之民不擾揚有承值舖戶以應諸司
之求者胥吏緣以爲奸公斧其碑與民平價商賈大悅
訟牒至令訟者行拘郡符下州邑以鋪遞傳致而公庭
之役不一遣以故間里晏然軫災民抑豪右遴選鄉耆
遇卿士大夫以禮凡有關於民瘼者偃躬虛懷以納之
化行合屬郡大治薦剡林上乃晉與泉兵臬憲揚人懷
公遺愛欲頌甘棠薦紳輩請予言以誌思子曰吾揚之
思乃爾耶公初莅揚即伏謁前守歸安蔣公瑤祠淚潛
潛下謂左右曰此吾懿親也先吾守揚茂著循良績吾
才雖不及敢不勉是公在揚思蔣去揚民又思公然則
蔣也者公之先旌耶公也者揚之高山耶可以誌思
矣公諱秀號平山隆慶辛未進士浙江湖之烏程人

虞公祠

在南門內祀明知府虞德華

陳公祠

在南門內大街東祀明江都知縣陳那科

史忠正祠

在廣儲門梅花嶺墓石祀明大學士史可法

謝啟昆

有記四十一一年賜諡忠正四十二年侍

高廟親題

哀慰忠魂四字於卷端復御製書事一

廷臣賡和

並命大學士于敏中書發兩淮鹽政寅著藏

弄祠中寅

著恭摹王書於卷後裝發兩淮鹽政寅著藏

年四十九

年聖駕南巡特遣官祭奠一在大東

門外姜家墩

康熙間建聖駕南巡特遣官祭奠一在大東

日今

天子御極之上諭以明福王之編修入史館方

續纂綱目欽奉

特命存福王年號而於其臣史

閣部可法復有方

嘉予之之特命存福王年號而於其臣史

仰見我皇上

褒忠節正名分一秉春秋之律而

又未嘗不歎史公之心

跡得大白於興朝爲千載一時

之遇也揚州廣儲門外梅花嶺右有史公葬衣冠墓歲
甲午余守揚州拜墓下見松柏鬱然棟宇斬新問之或
曰官構也又云其子孫自為之余喜公之果有後也未
幾其裔孫開純奉公文集來謁即史所稱奉遺命為後
副將史德威之曾孫也集後載黎士宏書公殉揚州事
云公在圍中命家人李書曰我死當葬高皇陵側城破
公自刎不殊史德威等昇之至小東門見執公呼曰我
史督師也遂擁之去善諭之不屈求死因被殺德威自
白奉遺命為後釋之越十餘日德威尋公屍腐變不可
識奉公袍笏葬於嶺與史文相同或曰德威奉公遺命
葬鍾陵公之精魄其不戀戀於揚州可知也雖然揚民
實感公德當時四鎮爭長高傑駐揚州抄掠徧城外憤
者至並鄉官鄭元勛誣殺之朝命公往傑乃聽命公遣
屯其眾於瓜洲衛允文督與平軍與黃得功構賴公遣
官馳解之揚民乃安是揚之遺黎皆公之生之也即無
墓猶當世祀公况衣冠所瘞肝腦所塗乃在此土耶
則崇其祠宇也固宜開純言其會祖德威本籍山右葬
公袍笏歸山右終焉越數十年純父某始來揚土人侵
公墓地白於官清還故址以前運使朱公請列於祀典
乾隆戊子開純請於前運使鄭公建祠三楹今又請於

運使邊公上鹽政伊公復修置門樓三間整垣以磚七
十丈其近墓餘地皆開純父子前後用公私錢擴置手
植松柏梅花今皆成林以余有守土責請余記之嗚呼
公之生也義能得士以庇其後公之死也忠能動天以
存其君往古忠節之士其身後未有如公者豈其天性
過人歟抑所遭有幸有不幸也余既喜於續纂綱目輯
公事蹟今又來守是邦而親見祠
之成也於是書其事而為之記

蕭孝子祠

在廣儲門外梅花嶺旁其妻節婦俞氏附

江都人其母朱氏病且殆孝子割肝使婦俞氏和
藥進母母愈而孝子死世之學者言不敢以親遺體行
危殆為孝是固然也抑紂之時微子去之比干死而箕
子奴而皆為仁武王伐暴救民伯夷恥食周粟而皆為
聖君子行事豈必同乎今夫小人之為不善非不聞有
禮誼廉隅之介也出於情所不自勝則潰藩籬蕩防檢
而不顧夫君子之為善亦若小人之為不善也發於至
情而不可抑遏豈尋常義禮辭說之所能易哉故曰求
仁而得仁又何怨孝子既喪俞氏謂母初愈不當聞悲
慟乃匿語姑日日曠適出耳殯孝子他室奠則麻衰經

而哭孝子入則常服而奉進食藥孝養十餘年姑死俞氏守節以終俞氏誠賢婦然亦孝子行足感動之以成其德士患欲行道不能必於妻子女觀於俞氏可自反矣孝子事在康熙時墓在梅花嶺東邑人祠之於墓側鹽運使遼東朱使君孝純至修整祠宇桐城姚鼐為之銘曰親吟於席子憂弗寧親偃然死子欲無生親蹶然起而歿子形猶全九鼎碎彼缶畧何究何思一訣於誠志存身滅夫豈猶名德衰恩薄以忍為貞千世萬世徠讀此

崔公祠 在運司治右祀康

施公祠 在廣儲門外祀康

曹公祠 在太平坊祀康熙間鹽政

司徒廟 在城西西北平山堂右搜神記云神五人異姓茅許祝將吳也又南史載揚州茅智勝等五人竊

人思其德因為立廟隋追封司徒加侯爵宋紹定間李全冠揚州禱於廟不吉怒剖神像全尋敗走新塘嶽磔殺之人以為神之報也守帥趙范奏新其廟賜額曰英顯賈似道鎮揚州復請加王號歷世靈爽頗著明嘉靖六年巡鹽御史雷應龍毀之立胡安定先生祠後土人復立廟於祠東國朝雍正十一年春雨浹旬知府尹會一為二麥憂過廟祈禱晴霽立應入夏彌月不雨禾苗將枯又虔告於廟甘雨大沛因陳牲昭報並檄行縣令每歲春秋永遠致祭又一大沛因陳牲昭報並檄行縣定重修五司徒廟記略曰揚州神異傳五司徒與蔣子文並傳異甚神茅姓勝其名與許祝蔣吳四姓結為兄弟忽溪旁見一媪遂迎歸以母事之不知其非所自出也饑虎食其母五人奮力殺之地無虎患州人思德為立廟隋封司徒侯爵及宋紹定中驅李全磔新塘明世宗三十有五年護郡民匿形禳中著鍍金鎧持斧立橋上島夷顛仆弗即逞尤異者歲旃蒙作噩寇窺城筮諸神所牙旗旗折而賊壓焉人以爲神世德於揚也爭修廟社以崇報云宗元鼎詩降監道不昧感通屬至理諸君試靜坐聽吾言豐豐廣陵有靈神司徒君茅氏茅君生六朝世亂居於此許祝與蔣吳共結為兄弟慷慨

喜畋獵義氣重閭里山中老媪賢五人孝如子是時多
虎患白日踞於市一朝畋獵歸家已失其母必為虎所
啖奮力捕山阜入穴盡殺之自是除虎禍土人思其德
刺史立廟祀隋封為司徒侯爵光樽祖迨至宋紹定李
全亂復起卜於神不吉跋扈將廟毀全敗走新塘眾殺
裂肢體叛賊不忠徒明神賜速死能保此疆界以為宋
室有趙范新其廟丹飾煥淮海賜額曰英顯表其功烈
美後復加王號攷自寶祐始其廟在蜀岡至今千年矣
正氣肅乾坤威靈降福社東城有行宮儀範亦濟濟從
來建午月獻牲陳酒醴四時亦不絕鐘鼓動祝史所貴
在寅清豈徒在籃盞為境除禍災為時順風雨士民遇
急難默禱即為解生有實驗非僅為虛擬憶昔墮盜
舟耽耽疾相視脫我於危塗終免啞虎尾齋戒謝仁慈
俚詞綜源委聊備史官求敢云大雅比 以下合祠

小司徒廟 一在東關 一在右所頭

三賢祠 在平山堂東 國朝乾隆年間運使盧見曾建
祀宋歐陽修蘇軾 國朝刑部尚書王士禎乾

隆四十九年移祀於桃
花菴改其祠為篠園 吳桂芳石茂華

深仁祠 在瓊花觀內 祀明知府吳桂芳石茂華

大忠祠 在南門內新橋坊 祀梁祖皓宋李庭芝姜才陸
秀夫汪立信吳從龍趙淮明茅誦崇剛朱哀晏

銳邱陸共
十二人

旌忠廟 在三元巷東 祀宋死節臣左軍統制魏俊後軍
統制王方明太祖嘗夢俊方助國詔立廟有司

致祀 國朝嘉慶十二年郡人阮元重修有記
朝朱彝尊重修旌忠廟碑曰旌忠廟建自宋隆興二年
以祀左軍統制魏俊後軍統制王侯方兩侯均死於
戰者也紹興三十一年金湯王渝盟括三十二總管之
師合蕃漢步騎二十七萬自將以南餘艘舳舻分據津
隘直趨維揚宋之猛將為張浚秦檜誅鉏殆盡恃以扞
牧圍僅存病篤之劉錡爾乃用金字牌徹之甘以半壁
天下九百萬金錢委之葉義問一懦夫奪錡招討印授
之李橫此諸軍解體而不敢言者當其時王權既敗韓
林楊抗冀壽陸廉崔邦弼趙不悔先後棄城遁兩侯非
不知主客之兵難以相當顧目擊大帥輒儒措置失宜
捐沙為溝圍以鹿角潮回漂去一時傳為笑端勢且日

盛寧奮一戰以拙速勝持久之兵斯亦前事之所有志
未遂並喪其元蓋首雖離心不懲也幸而采石之捷事
定策功贈魏侯中衛大夫邕州觀察使王侯拱衛大夫
所云以死勤事則祀之者歟相傳神嘗感夢於明孝陵
故載諸祀典歲以三月三日致祭歷年久遠廟圯不治
今通政司使巡視兩淮鹽課監察御史曹公謁廟下語
守者日斯境內之神吾民所報於是旌忠故典修舉不
可緩也迺稽謀於眾攻木給以餼廩取陳丹暗粉
以新之屬其友秀水朱彝尊攻木給以餼廩取陳丹暗粉
諸石兼作歌以侑神焉辭曰迎神兮庭隅靈風拂兮舒舒
維暮之春兮月出之初神之樹兮庭隅靈風拂兮舒舒
將明酒兮兩瑜神來格兮樂胥覲前兮巫後折山花兮
盈手紛傳芭兮翔走神之畱兮不畱縛車船於廟口送
神兮柳林王侯毅魄兮載浮載沈送神兮湖中魏侯死
所兮無怨無憫小朝廷兮不武國無人兮禦武持弱荷
兮作柱客為狸兮主鼠罷揮戈兮教弩第鳴金兮息鼓
左軍後軍兮戰獨麤千夫一志兮不可撓誕先登兮伐
橐為國殤兮亦足以豪生不封侯兮死
當廟食稽故典於祠官兮享祀不忒

雙忠祠

在廣儲門外梅花嶺石坊猶存祀宋寧揚州李
東海朱使君孝純受命領兩淮鹽運司之次年謁於江
都城北宋制置使李公副統姜公祠下乃進士民告之
日當宋之季自荆襄而下城隳師殲降死相繼伯顏之
軍南取臨安阿朮之軍北圍揚州時惟二君忠義堅固
竭力合眾以守茲城臨安既下帝后皆入於元孤城勢
不可終全二公卒不肯降屈其志再御謝后之書斬元
使焚其詔以絕他志明身必死國家之難昔蜀漢末霍
戈羅憲據郡不降魏及審知後主內附然後釋兵歸命
世猶愍其所處以爲戈憲欲守而無所嚮異於君在而
懷有二心者也若二公當國破主降之後效節於空位
致命不還卒成其義概可以壯烈士之氣而激懦夫之
哀者以視聖朝爲敵難而殞者皆隆崇諡號俾吏秩祀
與宋二公立身甚偉而舊祠多壞歲久不修甚於稱
矧朝廷獎忠尊賢之典守吏以道導民之誼甚不足稱
吾當率先飭而新之眾皆日願盡力乾隆四十二年六
月既竣工桐城姚鼐爲之銘曰元雄北方隆四十二年六
視江淮嬰兒稚女誰固人心奉彼弱主力或不支有氣

可鼓二公堂孤城在疆國泯眾遷誼不辱身死為社稷生豈隨君既得死所安於林茵烈士博膺市人流涕

同廟揚地以享以祭五百斯年其報匪懈新堂炯炯有翼其外神陟在天明耀副大思蠲厥心來庭來對

郝公祠 在城西法海寺側明崇禎間敕建祀事房縣次子明龍僕陳宜耐少卿郝景春並其子鳴鸞後以公

孝純定春秋二祭嘉慶十一年郡人阮元重修有記

鄭氏忠義兩先生祠 在北門外影園祀明兵部職方司

元知鄭 五烈祠 在城西司徒廟左祀池烈女霍九女裔氏程氏

堂之右舊有雙烈祠祇祀池霍二烈女國朝雍正十

一年知縣龔鑑募里紳汪應庚特建崇祠並祀五烈以

勵風化焉龔鑑五烈祠碑記曰登蜀岡迤平堂右有

烈者池氏霍氏裔氏程氏周氏也數武是為五烈之墓五

其自霍以下人稱其烈無殊也而欲令相近先後為墓

視縣事展謁幽垣善思風美之所扇以為節義者訓俗

之標建也顯幽旌善可以競勸五烈生秉峻節合義同

風緬紀英淑宜當除地啟宇崇而祠之於是乃謀於邑

二大夫時則汪君應庚涓然而與肩乃率作役財鳩匠

授模締構閱時告畢來諗成功予乃躬率邑人潔蠲敬

饗禮終顧瞻榱桷低徊久之爰命伐石書歲月且著其

事日案池烈女故貧家子早失母及笄父以改配其女子

延望廷望從軍死於粵吳請於女父欲以改配其女子

有成言矣女偵知之伺其父出投繯死霍氏稱霍九女

事父母以孝著年十九許嫁李正榮十日正榮死女聞

之號慟自殺以殉里人義之為舉其喪葬於池烈女墓

右稱雙烈云其後有裔氏為孫某婦媼及其二女皆不

潔他日歸具白母且誓曰弗死懼及吾無以視人世既

而還家則姑及二女方共客飲婦恥之乃扇戶紉其衣

通陳國材移家來揚國材暴疾終氏誓以身殉父往慰
論之氏泣日見有宜死者三上無舅姑下無子且貧若
此衣食安所賴即嫁耳嫁豈窮巷編戶之中未有從姆
食而死嗚呼此五烈者少長窮巷編戶之中未有從姆
教稱詩書而服乎女箴之宏訓也又不有心中則乎前載
古往烈義截耳斷髮磨笄之行而傲而行之也且生者
情所貪而死以庶幾又乃況女德斯荏陰儀不剛曩使
或未能強勉以庶幾又乃況女德斯荏陰儀不剛曩使
回易其心抑亦寒鄉凡裔內則所不求固然無足怪而
五烈生非清門鑒非圖史並共慷慨大節決然誓命以
裁當其據節銳情一往不改金石同其精堅鬼神泣其
幽渺所為寧載於義而死無載於地而生者何其廩廩
與則是無異故貞良動於性本志氣精專誠一之至也
或謂裔氏遭逢不淑預戒垢污至於就義並卓哉志行有
以俯仰靡依早自引決遂從容以就義並卓哉志行有
然矣至如程氏上有舅姑使其侍養二人畢節以老奚
必不如陳孝婦之為者而池霍二女則又問名方始固
未成婦案以前經非有明文責其夫也與今皆
之元靡他相從為愈意無乃行過乎禮正而非中者與
所為設中而制節者以進中人非以域上智也而果其
篤乎至性而履人情之所難聖人卒亦未嘗不貴之也
然則五烈之所處雖殊而維揚餘烈莫不亘日月而薄
雲霄者豈非大義之攸存也哉且夫孺民以章教為務
自昔為政崇獎前徽固將以忠孝貞廉之行動其懿德
之好而不圖其感也如五烈之清英潔白誠宜肇造祠宇
此而不圖其感也如五烈之清英潔白誠宜肇造祠宇
樹以風聲庶夫仰遺芳者知所興起而深幸汪君之能
相與以有成也汪君淮南宿德居鄉行義弗倦今茲盛
舉其為功於名教尤大祠建於雍正十一年九月閱二
月而訖工中為堂凡若干楹門若干楹兩
庶若干楹蓋明靈安於是為不泯矣

忠孝祠

在府學內與江都共祀

節義祠

在縣學外與江都共祀

威烈王廟

在城北鐵佛寺西見寶祐志所祀莫攷

三十郎廟

在西門外見文文山集其人無攷

儀徵縣

社稷壇 在縣城西門外宋淳熙十五年知州趙師龍建
明洪武十四年知縣謝文隆隆慶元年知縣申

嘉瑞 國朝康熙五十七年知縣李昭治先後重建

風雲雷雨山川壇 在南門外城濠側舊馬驛也明洪武十四年知縣謝文隆建 國朝雍正

元年知縣李昭治重建

先農壇 在東門外河北

厲壇 在北門外

八蜡廟 在北門外

旗纛廟 在縣治東明洪武初指揮朱採重建
國朝康熙二年守備朱採重建

真武廟 在南門內明洪武間指揮朱採實建
宣德時指揮史鑑修學士李時勉有記

火星廟 一在城外教場後一在五壩街後又有都火星廟
一在梓潼墩西明知縣許一誠建 國朝康熙

五年重建

文昌祠 舊在文廟東明萬曆元年移建小教場西邱阜
上名梓潼墩相傳即拂雲亭故址又府前坊樸

有樹灣俱

靈星廟 舊在城東行春坊風俗通曰辰之神
舊為靈星祀以辰日祠於東南

都天廟 在新城鎮東明初建 明李文廟記曰周禮司
救之官凡歲有天患民病則以節巡國中及郊

野而以王命施惠蓋聽於人也後世疫癘札瘥或由道
術治之舍藥物而亦愈蓋聽於神也夫天惠民病古今

有之司救則官勤其職蓋聽於神也夫天惠民病古今
神官宅幽其理一也凡以王命施惠者修國郵而務明

道術治之者緣神道以設教及其有惠於民可以弭裁
而變患君子必不因此而廢彼矣吾真有都天司疫神

祠在新城里之東元至初闔州大疫維時有孚惠先
生者楚人也得其師真牧公之學繇潯陽東游於真哀

憐州氓之病以神符祕瀝飲之疫皆勿藥而愈州人德之始翺道宮於新城壘之南以奉先生歲久且圯其徒五老峯人雷希復者繼增構之為通真萬壽觀未幾希復以隄點揚州元教去而通真故宮尋就頽毀國朝洪武初希復之徒有受持孚惠之教者於新城之北翺為今祠用祀司疫之神其靈壇秘蹟迄今為邑人之依崇有禱必應宏濟之功有陰多於司救者云

痘神祠 在八字橋北 國朝建 李必昌建

馬神廟 在縣 治東

財神廟 一在草巷前中街明萬麻中建一在大市口 國朝雍正七年邑人劉正實重建一在響水廂

東

東嶽行祠 舊在儒學東明宣德間嘗掘地得金一釜聞 國朝康熙四年

碧霞元君廟 俗名奶奶廟一在八字橋明萬麻中建一在

高阜上一在羅泗廂 河濱今為典隆院

祠山廟 舊在縣東紙坊橋北 國朝 嘉慶十年邑人沈琪瑤等建

城隍廟 舊建於縣治東北今在縣治東宋紹興三十二年知州

潘友文重建明洪武初知縣賈彥良 嘉靖十四年知縣楊孫仲先後再建

白沙廟 在東門內八字橋北宋嘉泰間建真州舊名白 沙祀其土神謂之白沙土主廟開禧間燬運判

費培重建明洪武中千戶張馨再建宣 德中指揮張勝重修教諭王麟有記

左安城王廟 在縣西二十里左安城側 宋治平四年建神甚靈異

土地祠 舊在縣治堂東明正德間建隆慶元 年知縣申嘉瑞移建於儀門外東

南瀆大江 祀於瓜洲而儀徵之祭省矣 唐開元禮每歲夏必祭焉明改

水神諸廟

晏公祠在舊巡檢司西明洪武間尚書單安

應佑侯後加順

蕭公祠在舊巡檢司西明洪武初建成河濱初封靈通廣濟

中樊金有記

國朝乾隆五十五年重建間重修禮部郎

二壩側明永樂

中建天順間工部郎中龔以靜再建

三壇廟在東稱

正順外河之濱明洪武中龔以靜再建

守韓挺移建於

儀真觀西明洪武間指揮凌實再建

靈順五侯廟

舊志云廟建於宋有三一在寧江門內萬

井或曰禱而汲

可愈疾後又有三廟一在東門一在曹

果巷一在涵洞

口宋林可大義井坊五侯廟壁詩義井

神祠古崢嶸列

棟費攷鐘供奠酌夏鼓伯牢牲寄

汲傳驅恙祈靈

阮挈器依人神亦義幹石問誰名

金龍四大王廟

祀水府神宋諸生謝緒一在欄江隔河

大王廟一在蕭

公廟旁一在新

便西一在舊港

東一在四隔廳

惠澤龍王廟

一在五壩一在沙漫洲口名開江龍王廟

行祠

案舊志引沈括云彭蠡小龍

於熙寧間顯異

護軍仗廟所由立也

九龍將軍廟

一在臨江河口明成化間建工部郎中吳

塘上相傳漢陳

登嘗役

五龍以開港故

祀之

白龍廟

舊在臘山後移白洋山宋王大昌白龍廟禱

白龍澤三日乞

飛丹鳳表干靈但知瀝涸占犁雨不

計微軀是使君

寧敢貪天為己力端由宵旰誕揚庭

小龍祠

盧襄西征記曰渡揚子江至儀徵曰真州見江

之有小龍盤旋

几案朱鱗大髯目赫赫有異光尸祝指

日此非蛇虺蜥

蜴之儔伍也喜則俯首搖尾稍可玩弄

稍怒則搖撼坤

關翹海摧嶽而後

已所以儀舟而

禱者袂相屬焉

公輸祠

在資福寺東國

伍子胥祠

在胥浦橋名清忠英烈王廟明隆慶元年知

朝雍正元年知縣李昭治仍移建胥浦橋舊處明李
 文祠記畧曰真州古江介也西即楚之棠邑春秋時為
 伍氏采地今瀕江有伍相林唐宋間嘗建清忠英烈祠
 於甘露鄉蓋子胥解劍處也雖坵墟陳迹而故老往往
 能言之嘗攻諸史傳當時奢收矣尚且入員獨審所以
 報楚為父兄如雪讒乃以太子故從之師嗚呼此子胥
 以亂計奔吳也觀其脫險於昭關之師嗚呼此子胥
 且踵其後則所遇窮矣大川不可關之師嗚呼此子胥
 焉則蘆葦後則所遇窮矣大川不可關之師嗚呼此子胥
 焉則蘆葦後則所遇窮矣大川不可關之師嗚呼此子胥
 而終雪父兄之讐哉諸所艱難經歷之處宜非三年入
 陳跡視之也古葉二川申侯嘉瑞來宰茲邑政理之暇
 弔古與懷因清忠英烈祠久湮於胥浦乃於城西外隍
 鼎築廟宇像子胥於堂兼繪蘆葦漁丈於壁之內畱為
 女子於壁之上將落成役予為記會侯以前政慨然以此
 舉為善蹟圖功收終是宜祠之
 不終善蹟圖功收終是宜祠之

浣紗女祠 舊在縣西四十里女飯伍員曠以勿言遂
 西二里許外河之 後人立祠祀之歲久圯廢移建於城

九江王廟 宋初建山 在沙漫洲河口祀漢伏

馬將軍廟 即伏波宮在沙漫洲河口祀漢伏

陳公廟 儀故二邑皆載此廟 宋登在陳公塘上塘介甘

日漢建安中廣陵太守陳侯登字元龍居郡有異政沈
 勇內決總眾多威畧侯所治當東南之臻士俗勁剽物
 產蕃夥方是時皇綱弛絕亂臣相與犯上天下紛擾雄
 豪並起袁曹虎眇許鄴昭烈拔自固武沛呂布暴桀下邳
 桓王經略江表侯鎮是邦挺然自固武沛呂布暴桀下邳
 驚法修教浹人趨厥務稚老鰥寡愉愉嬉嬉侯以休暇
 行城之西二十里濬源為塘用秣旱饑有萑有葦龜浮
 魚游民資以饒漑浸田疇稻稔豐衍勤本足食廬井恭
 而愛焉名傳於今以衰厥廟寅寅度事四時報饗殆將
 千載而莫敢忘古之所謂祠祀一

悅當時遺後世無窮之澤此為政者所勸勉也宋興大
中祥符六年始析唐之白沙鎮附以二縣置真州為江
淮制置發運治所而塘實在其地歲用灌注長河增淺
宣於涇然流通漕轉弗乏其利彌廣矣於是官輸民賈
物貨粟帛四方使客千艘萬舳雷動而雲集故於淮之
南為州最劇熙寧五年太常少卿陳留羅道濟極尚書
度支郎中河南皮憲臣公弼為之使慨然追侯之功治
愈久而利視祠之不嚴命加完飾使里俗益知侯之德
遠不可忘而顯章之以信

於後且請余文而記焉樓上明宏治間江漂數木像帥
關帝廟一在大市街鼓樓之乃帝及侍從像也因建廟小
教場嘉靖中都指揮毛緯改祀於此一在城南十字河
北岸後有三義閣一在儒學東一在東門外敵臺一在
縣東六里
沙鎮大王廟在豬鉤沙相傳祀漢末郭公亮又
魏文帝廟在曹

許真君廟舊在羅泗牖國朝雍正間建乾
隆十三年移於三柳河新埂西

劉猛將軍廟在八蜡廟西國
朝雍正二年建

梁昭明太子祠在縣城南
見舊府志

清元真君廟在縣東十里所祀節二
郎費培建

張王祠在黃泥灘祀唐贈揚州大都督張巡即
楚黃書院國朝乾隆二十九年建

惠愛王廟舊在縣之甘露鄉三城邨唐工部尚書張萬
名特立於江淮間故有廟明隆慶間廢國朝嘉

慶三年邑人黃濤移建於豬市街西菩提園右
康公廟舊在縣之義城邨宋嘉定間移建於城西祀唐

儀真亦立廟祀之又建馬廟相
向俗呼雙廟一稱古鎮明王廟

明靈惠昭王廟舊在縣城西
南排岸西

呂祖祠

在南門外紀壽宮旁國朝
嘉慶十年邑人沈琪瑤等建

濂溪祠

在新埂西祀宋儒周敦頤國朝乾
隆三十八年建庶常蔣雲官有記

邵節使祠

宋邵宏淵與金帥蕭琦戰於胥浦橋民得渡
江免難因為立祠案舊志作忠節祠今據

隆慶儀真志改正

吳知郡祠

舊在資福寺西宋嘉定十五年州守吳機建
祀宋慶元間州守吳洪案宋大中祥符間

儀真陞為州其長吏

唐總管廟

舊在陳公塘側宋嘉定十一年建開禧間金
人犯真州義武民兵總管唐璟決塘卻敵有

功因廟

潘使君祠

舊在天慶觀祀
宋州守潘友文

豐知郡祠

舊在縣之北山上
祀宋州守豐有俊

吳知州祠

舊在學宮之東
祀宋州守吳機

大忠節祠

在東門外水關之右祀宋丞相苗再成揚州統
制姜才配嘉靖間增祀宋趙孟錦歲久頽廢國朝康

熙三才配嘉靖間增祀宋趙孟錦歲久頽廢國朝康

再葺乾隆十四年鹽運使劉德芳重建五十七年知縣陸師

臣於大門內列正氣歌於廳刊六歌於別室三十八年

監掣同知張景宗改祀苗姜趙三公於別室而杜澣州

應呂武張慶配食嘉慶三年縣丞申淑泮重葺署揚州

府李逢春建大忠節坊於北巷口明夏英大忠節祠

記日成化丙午英分司儀真攻案牘牒痛惟三公奠酌

無所因作東關廡事竣稍有餘材牘東又有地遂以其

祠謀於巡撫都御史邱公日美圖也亟為之且得守

備昌公佐協心同事而致仕錦衣指揮凌公實哀然為

首舉倡奉義賈黨志等各出所有以供祠費初奉詔停

工者數月凌日旌忠報功盛德事也世道計也況不勞

民力不費民財亦何為而不為乃獨捐白金二十鎰完

其事始工於丁未秋八月畢工於戊申春正月祠成肖

像信國文公南鄉坐苗公姜公東西鄉侑焉祠後為寢

重修揚州府志

卷之二十五

祠祀一

皇

室廂房各若干楹募道士三人居守祠宇前儀門三間
碑樹於中門為牌樓一揭書大忠節祠於楹廟密神像
顯嚴凡官茲土泊南北行過是者亦必顧瞻起敬將有
奮發其同然者則舉也其於世教未必無裨益云
敖英增祀宋刺史趙公記曰儀真東關舊有大忠節祠
祀丞相信國文公配以下退謁雪洲黃公都統姜公今年春英
部使茲土晉拜祠下謀耐之案史趙公乘霧襲敵墮水死
嗚呼非忠義耿發宜不若爾英意其生平有可觀者而
史逸不書惜哉或疑公出奇致北固功也祀何居英曰
不然祠以忠名祀忠也趙以忠勤死此土而莫或祀之
其可乎且當元師壓境宋勢事已去趙賈勇圖成而典
州者賴之將畧可知矣向使其龔師計行縱不能殄除
大敵亦足以挫抑驕銳江之南北豪傑響應宋社不屋
未可量也果可以成敗論英雄哉苗姜之與文山死
處不同而忠一也君子既嘗俎豆之矣趙亦忠義之鬼
肖像之宛然乎或又疑曠世殊代安知趙之鬚眉體貌而
祀祀必像所以示瞻仰之的也豈必人人肖哉使凡拜
瞻公像惕然思肅然起敬而偷生避死亦或為之洲
額則公之神無不之也而或寄焉像果無助邪雖然英
復有感焉者趙竭忠死事甚著史宜信猶遲三百餘年
雪洲始發之而英始舉之則夫史逸獻亾罔攸攸質九
原湮鬱不幸固多矣云如何哉知縣李君文翰遂作而
請曰是可風也敬勒石祠中主稱刺史者從信國指南
錄題之也 國朝劉德芳記曰余讀史至宋文丞相
傳未嘗不發書三嘆也三代以後漢唐宋為大一統漢
唐治略雖強而待臣養士之道都不及有宋其既也臣
之所以報其君者亦過漢唐遠甚宋之君崇經術重學
校優禮大臣容納諫諍至不殺大臣不殺諫官之祖訓
世守勿替其在盛時臣子專戀闕廷致政後即吳越楚
蜀遐遠之人必移其家以近於王畿其也州縣小吏
守其空城而不忍去以身殉之者不可勝計此無他
累朝之禮隆而誼篤士大夫忠義之氣醞釀奮激而不
可已也文信國結髮登朝以亢直見憎於時事浮湛中
外者幾二十年其右相之命亦拜於國事既去之餘而
倉皇出使自真州脫去之温之閩之廣起兵與復備嘗
艱苦妻孥俘纍家室淪亾五坡被執飛走路窮囚燕市
三年固無日不求死自古蒙難之臣從容就義百折不

重修... 卷之二十一 祠祀一

回未有如信國者也初元世祖亦欲釋信國而宋諸降臣恐其為變自累亟欲死之論者俱咎降臣之陋不知信國一日不死其心固一日未嘗不在宋倘世祖果釋信國江南義士起而擁之信國肯以元之釋之為德而謝不從乎降臣之欲亟殺之正所以亟成之也嗟乎當日宋之臣苟非狗彘大都不能忘故君信國尤摯焉者耳雖信國之忠義根於天性而宋君臣感應之理不亦彰彰可見哉真州民久祀信國向祠在郭外之河干日漸頽敝余出俸錢葺而新之因感嘆於信國身世之變而翫縷及之張景宗記曰儀徵大東門外大忠節祠始於前明成化二十三年工部主事夏英創建祀宋信國公文丞相專祠也方公之被執大江南北不歸元者惟真與淮揚耳故公之逸真州士民夾觀如堵人心莫不向公適樵人剖樹得天下趙三守公大喜曰鑿江本藝祖發跡地今中興受命之符應矣於是與州守苗再成共議恢復在此一舉向使謀間不行於李帥或苗能明剖力爭公以一紙書通淮東脈絡各引軍齊薄京口則鎮江三面受敵而公與苗背城借一安知度宗之不州天也然而公之魂魄猶應戀戀此也夏公建祠於儀而

專祀之可謂鑒公之心而感通於幽冥者矣但配食四人無一當者助建祠之始以真州守苗再成淮東姜才配後明嘉靖元年主事敖英增祀參議趙孟錦康熙三年儀徵尹汪時泰從歛人汪森然請增入王炎午案公來儀苗守與之居三日矣尚不辨真偽乎辨其偽不當縱之以駝國法辨其真自當力剖以全忠良乃聽李制司之命閉門逐客固已坐失機宜且令張徐二路分便宜行事設張徐亦聽命於安撫則公不死於敵而死於再成之手矣幸而張徐日見丞相忠義何獨見信於路分而不見信於安撫乎故嘉苗君守土死節則可謂當公之配食則不可其姜趙二公保障疆圉能死社稷例當奉入名宦祠與公無交涉若謂殉難當配則公當日甘鼎下士如輩信翎鳳尹玉劉子浚凡數十輩皆蹈白刃甘鼎下士如輩信翎鳳尹玉劉子浚凡數十輩皆蹈白刃慨見惟以生祭丞相文得名其生祭之意蓋恐丞相不始為文以激之耳夫公豈偷生之士哉豈因人激勸而跡而自奮者哉午與公生同鄉素識稱善乃不察其心在日久蘇子卿何以十九年不降如此立論尚得為公之知已乎至文內舉公可死數事曰文章鄒魯科第郊

祁日喪父受公卿祖奠之榮奉母極東西迎養之樂且
二十而魏科四十而將相聖賢死節取義成仁豈僅區
區文章科第公卿將相云乎哉其見識淺陋遠出於謝
皋羽一哭下矣再檢王文簡公居易錄載其晚年以文
十姚參政貫學士而自比於焦桐處爨其人之節操可
知而獨進午為配食誠不知其奚取也景宗於乾隆三
十六年以監掣同知莅斯土拜公之祠而悲公之志祠
自乾隆十四年前丞靜樂李公璋請於上官重修迄今
歲星兩周殿宇傾圮繚垣頽壞亟請於同官共新之因
論配食於公當從公起義配食於儀當從公來儀起義
爰自京口從公來儀十一人中擇生死患難始終不二
者得四人焉一為架閣正字杜許鎮江之脫濬之力也
護禦艱虞忠勞備至卒死敵中公稱義士一為路分金
應初陷敵中左右星散惟應委身以從死生休戚俱為
一人至通州以憂鬱死一為總管呂武勁烈忠勞常賴
以自壯卒遭橫死一軍皆哀一為虞侯張慶高郵失道
哨兵奄至流矢貫目身被二創公以得免此四人者從
公來儀而謀恢復也忠義之氣貫乎日月從公去儀而
奔淮浙也冤鬱之血凝於江水其英光亮節常懸於吾
儀士大夫之心且數百年春秋合亭於一堂志氣交

爭繼明如一當必有儼然如見愾然如聞者矣用是白
於縣尹方公輔悟進配四人而撤炎午之主其苗姜趙
三公則援以死勤事之典別為三楹以崇祀之方公曰
文祠配食之議前尹陸公師議而不詳監掣李公璋詳
而不擇今更配撤主移祀三公精詳周慎各協於義可
謂正二百年未正之典矣特立神像不如此言即檄
例以木主易像更不使後人為文以誌之并書同志諸公
儀所許公執中董其事而為文以誌之并書同志諸公
於左云 明邊貢謁文山祠詩丞相英靈尚未消絳帷
燈火颯寒颯乾坤浩蕩身難寄道路間關夢且遙花外
子規燕市月水邊精衛身難寄道路間關夢且遙花外
南枝向北朝 馮蘭詩說降豈有文丞丞相感義欣逢苗
再成努力正圖 恢復計流言翻禍脫歸兵千鈞國勢懸
毫髮萬死臣身記 慘義忠義要令天下見只雷軀血到
燕京 趙鶴詩大忠祠宇真州開尚記文山奔北來真
州孤城合死守 嗟嗟苗史與姜才宋廷文山奔北來真
相提兵日多事 憤激難甘宋氣終間關益鬪鹵塵裏南
冠而紮向江鄉 通臣未死宋氣終間關益鬪鹵塵裏南
治其復周宣王 通臣未死宋氣終間關益鬪鹵塵裏南
兵何地賦無衣 雪恨此江思擊楫誰傳丞相說降人被

驅幾作草間塵數奇自託謝李廣志同那得迎張巡崎
嘔立國寄閩海一君倏仆一君在皇皇仁義殉臣身臣
身九死心何悔到底姜苗不負公先後死國將無同奸
諛時走祠宇下掉頭吐舌畏大忠案趙孟錦舊志譌

文錦

苗公祠 在縣署東祀宋知州苗再成 國

忠臣廟 祀明樞密院判王鼎 所在

申公祠 在響水廬東祀 明嘉瑞

唐公祠 在攔潮廬南祀 明佐

許公祠 在紙坊橋祀 明誠

王公祠 一在東門大街祀明知縣王應 元一在縣治南祀明知縣王伉

牛公祠 在東門內祀 明

應公祠 在二壩石灰背祀 明使應朝卿

馬公祠 在縣治東小市口祀明使馬從聘 國朝康熙間以知縣馬章玉附

彭公祠 在儒學東亦明 使舊志逸其名

姜公祠 在縣治東祀明崇禎間知縣姜採 朝康熙五十四年知縣陸師以王伉祠廢奉主於中合 祀稱王姜二公祠雍正十一年知縣許維枚奉前令馬 章王主合祀於中

稱姜王馬三公祠

許令祠 在東門外寶坊寺側祀 康熙間知縣許承澎

周孝婦祠 在縣北朴樹灣鎮祀明崇禎間周祥妻孝婦 有割肝以療姑疾者割肝自孝婦始婦張氏適農家子 周祥姑年老寢疾數載婦憂之坐起輒哭俄見道人立 於門因問以方道人應曰須人肝立愈婦恚曰是神 可得曰肝有諸身割之而得耳言已不見婦念曰是神

人命我耶祥有從弟文顯者嘗因其父母病割股療焉婦乃從容問其割狀文顯曰割也何問為婦歸而私置利刃六寸餘急未得間乃促祥往耕遂自割其左腹探出其肝得數寸割之使盡此羹姑食已婦始就臥女婦屬之出母溷姑食使盡此羹姑食已婦始就臥祥歸而告姑姑起曰腹痛也姑少視之則血淋漓薦席上大驚以告姑姑起曰腹痛也姑少視之則血淋漓薦席上萬麻二十年甲午八月二十一日也真邑令博陵王公為請於上官月賜粟自王公去不復食官粟今年余避暑樸樹灣去孝婦家不遠父老為余言孝婦事甚詳舊有楔棹翼然河上今楔棹亦圯跡且漸湮思所以表彰如供養一塔院禪者圖明慨然曰我佛供養百億如來不教天下為婦者因捐資共成之祠成姚子曰丈夫遇小利害百鍊剛且化為繞指柔我鄉數百年內求忠臣孝子無多人乃婦女未嘗學問直以天性關切一往不返烈則露筋孝則割肝死不復顧每一念及令人毛骨為聳語曰詩可以興過孝婦祠下者亦可以興矣

張孝女祠

在江干國朝嘉慶三年春縣丞申淑洋治

年此有崇石以鎮之申啟視見大書孝女赴火救父處七字背有記云孝女張巧姑年十四父天相病不仁兩

兄業木工作於外惟女侍養乾隆九年里人不戒於火胸次有四手蓋已負父於背而不能出也申為題請立祠

藥王廟

在中牖西祀義農黃帝及岐伯諸臣

茅司徒廟

在縣東十三里俗呼為瓦廟即異姓五人中

驅虎事謂其顯異在儀徵地故有廟

張康二侯廟

宋時建舊在團窩後移於石人頭鎮

三將軍廟

舊在胥浦橋東宋紹興間金人犯真州軍將

壯其忠勇立廟以祀後遷建於城東焦家山宋劉宰

廟記曰紹興辛巳金亮渝盟天子赫然震怒分命大將

而西濟自渦口直抵江上於時淮民聚於淮揚侍錡兵

在前晏然寧居弗慮弗圖赤白囊甫至敵騎已寇江津
矣倉皇奔竄人不自保錡時對壘清河亦惕然有腹背
之患然卒至道路無壅人心太和王師克還無害未幾
阜角林告捷敵用大創厥有由矣先是錡遣其將邵宏
淵控儀真敵騎西來宏淵謂其偏將梁淵元宗張昭曰
真為州四望如砥寇至懼弗能支胥浦距州五里雖廣
深不足若據浦斷橋其庶幾乎三將軍慷慨介馬疾馳
時宏淵所領二千人而配三將者纔三之一敵以大軍
壓之軍士愕眙莫有門志三將奮臂一呼士氣百倍張
將軍屢衝敵陣為士卒先元將軍提軍深入手梟鹵將
所向披靡元力窮陷陣而張亦殞命流矢梁將軍日事
急矣方將據浦自守而敵以驍將銳卒乘之梁單馬直
前挾驍將歸而銳卒捷出忽斷梁右臂臂已斷而氣不
衰敵萬眾馳突爭欲割刃梁回顧叱咤敵目眩膽落竟
不能加兵梁顧援兵不至度終不可脫遂挾敵將墮橋
下卒與俱死敵失驍將且伺城內猶有雷兵懼不敢前
為之頓兵遲回而淮民百萬之眾已安流濟江清河十
萬之戍亦緩轡入淮揚矣是三將軍以一身之死易百
萬眾之生以香浦跬步之地為江淮數千里保障吁壯
矣哉後雖上其事於朝而廟貌缺然民懷其功報祭無

所相與建祠叢薄間卑陋湫隘不足以揭虔妥靈又位
下名微事久跡晦漫不可攷恐異時無以備職方之求
華文閣韓公挺始自庾司來董漕事網羅放失知三將
軍之功當與此州俱傳亟令判正地志且謂昔睢陽之
守死者數萬議者猶謂以其遮蔽江淮廟貌赫奕於今
有光矧內無堅城之守外無無矢遺鏃之費而功反有
大於昔人者耶是宜尸而祝之爰飭攸司是築是斲撤
舊為新宏敞高明視昔百倍嘉泰改元之四月工告訖
功淮民翕然數百里內爭走祠下旣薦咸拜稽首謹志
其成而遺以詩俾歌以祀其詞曰神之來兮曠依牲酒
如斯兮人豈可忘橋之橫兮東西神之來兮曠依牲酒
必香兮廟貌巍巍始自今兮神毋我違孰高其闕兮孰
培其基神之安兮我民之思

三賢祠 在文廟東元至正間建祀元寓賢郝經吳澄張璽明宣德七年知縣李昇重建今廢

忠烈祠 舊在縣署前今移遷署前

節孝祠 舊在縣治前今移建新柏街

落帆將軍廟 舊在縣西六十里江岸茅亭步西宋嘉定間州守吳機建明嘉靖間守備湯慶移建

帆山上

公安二聖廟 在城南江岸

張仙廟 在大校場西明王汝立建

三聖大仙廟 舊在城南倉巷宋時所建女仙祠也

張班仙祠 在天寧寺後國朝乾隆五十七年建

九靈祠 在單家橋西國朝乾隆三十年邑人吳崇基建今并入翠竹菴

重修揚州府志卷之二十五

